

## Introdusaun

<sup>1</sup>Doben Teofilo, ema barak haka'as an ona atu haktuir buat hirak ne'ebé mosu iha ita leet, <sup>2</sup>nu'udar sira ne'ebé haree ho matan rasik houri uluk no sira ne'ebé haklaken liafuan hato'o mai ita. <sup>3</sup>Tan ne'e, ha'u hanoin atu, buka tiha atu hatene lo-los buat hotu houri uluk kedes, ha'u hakerek fali di-diak buat hirak ne'e ba o, <sup>4</sup>atu o bele hatene katak lia hotu ne'ebé o simu, lia los duni.

## João Baptista nia moris

<sup>5</sup>Iha tempu ne'ebé liurai Herodes ukun iha Judeia, iha am'lulik ida naran Zacarias, husi Abias nia uma-kain. Nia kaben naran Isabel mai husi Aarao nia uma-kain. <sup>6</sup>Sira na'n inua ema diak los iha Maromak futar oin. Sira halo tuir ho laran mos Na'i nia ukunfuan hotu. <sup>7</sup>Maibé sira oan la iha, basa Isabel la ko'us, no sira nia oot boot ona.

<sup>8</sup>Wainhira Zacarias ho nia maluk am'lulik sira serbi iha Na'i futar oin, <sup>9</sup>tuir sira nia lisau, sira dada sorte, hodi fihir nia atu sunu kiarben morin iha Na'i nia santuariu. <sup>10</sup>Povu tomak hamulak iha liur iha oras ne'ebé hasa'e kiarben morin. <sup>11</sup>Na'i nia anju mosu ba Zacarias iha altar nia sorin kuana. <sup>12</sup>Haree tiha ne'e, Zacarias hakfodak hodi tauk teb-tebes. <sup>13</sup>Maibé anju dehan ba nia: "Keta tauk, Zacarias, basa Maromak rona tiha o nia hamulak. O nia kabon Isabel sei ko'us oan mane ida. O sei hanaran nia João. <sup>14</sup>O sei haksolok teb-tebes; ema barak sei hetan ksolok wainhira nia moris. <sup>15</sup>Nia sei sai boot iha Maromak futar oin. Nia sei la hemu tua ka buat ne'ebé halo ema lanu. Iha nia inan nia knotak kedes, nia sei sai nakonu ho Espiritu Santo. <sup>16</sup>Nia sei halo Israel nia oan barak fila fali ba Na'i, sira nia Maromak. <sup>17</sup>Nia sei la'o uluk Na'i ho Elias nia spiritu no kbiit, atu halo aman sira nia fuan fila ba sira nia oan sira, no mos halo ema fuan tos sira hatene lo-los nu'udar ema matenek sira, atu hadia ba Na'i povu ida ne'ebé diak los." <sup>18</sup>Zacarias hatán ba anju: "Oin sa ha'u bele hatene buat hirak ne'e? Ha'u katuwas ona, no ha'u nia kabon mos ferik ona." <sup>19</sup>Anju simu fali: "Ha'u mak Gabriel ne'ebé hamriik iha Maromak futar oin. Nia haruka ha'u mai atu koalia ba o, hodi hato'o ba o lia foun diak ida ne'e. <sup>20</sup>Maibé o sei sai monok hodi la koalia tan to'o loron ne'e sei mosu, basa o la fier ha'u nia liafuan ne'ebé sei sai tuir los iha nia tempu."

<sup>21</sup>Ema lubun boot hein Zacarias iha liur hodi hakfodak, basa nia hela kleur iha santuariu laran. <sup>22</sup>Wainhira nia sai, nia la bele koalia ba sira; tan ne'e sira hatene katak nia hetan visaun ida iha santuariu. Nia halo sinal oi-oin ba sira, hodi hela monok nafatin. <sup>23</sup>Wainhira nia loron atu serbi hotu ona, nia fila ba uma. <sup>24</sup>Liu tiha loron hirak ne'e, nia feen Isabel ko'us, hodi haksumik an iha fulan lima nia laran. Nia dehan: <sup>25</sup>"Nune'e mak Na'i halo mai ha'u, hodi fase ha'u nia moe iha ema hotu nia oin."

## Anju Gabriel fo hatene Jezús atu moris

<sup>26</sup>Liu tiha fulan neen, Maromak haruka anju Gabriel ba knua ida Galileia nian, naran Nazare, <sup>27</sup>ba fetoran ida ne'ebé hakotu tiha ona ba mane ida naran Jose, husi David nia uma-kain; fetoran ne'e naran Maria. <sup>28</sup>Tama tiha iha nia uma, anju dehan: "Rahun diak, feto kmanek wa'in tebes! Na'i ho ita!" <sup>29</sup>Rona tiha lia ne'e, nia laran taridu hodi husu ba nia an rasik kumprimentu ne'e katak sa los. <sup>30</sup>Anju dehan ba nia: "Keta tauk, Maria; basa o hetan rahun diak tebes iha Maromak futar oin. <sup>31</sup>O sei ko'us no tur ahi oan mane ida. O sei hanaran Nia Jezús. <sup>32</sup>Nia sei sai ema boot; sei hanaran An Na'i aas liu hotu nia Oan. Na'i Maromak sei haraika ba Nia nia aman David nia kadungan. <sup>33</sup>Nia sei ukun Jacob nia uma-kain ba nafatin; nia ukun sei rohan laek." <sup>34</sup>Maria husu ba anju: "Ne'e sei sai oin sa los, basa ha'u la hola mane?" <sup>35</sup>Anju hatán ba nia: "Espiritu Santo sei tun ba o no Na'i aas liu hotu nia kbiit sei hamahan o. Tan ne'e santu ne'ebé atu moris sei hanaran An 'Maromak nia Oan.' <sup>36</sup>O nia feto maluk Isabel mos ko'us tiha oan mane ida, maski ferik ona. <sup>37</sup>Ida ne'ebé ema dehan la ko'us, nia ko'us fulan neen ona; basa, ba Maromak, la iha buat ida ne'ebé la bele." <sup>38</sup>Maria dehan: "Ne'e sa, Na'i nia atan oan mak ne'e. Halo tuir ita liafuan ba!" Hafoin anju husik nia.

## Maria ba haree Isabel

<sup>39</sup>Iha loron hirak ne'ebá Maria hiiit an lalais ba fohu, ba knua ida iha Juda. <sup>40</sup>To'o tiha Zacarias nia uma, nia kumprimenta Isabel. <sup>41</sup>Wainhira Isabel rona Maria nia lia, kosok oan book an iha nia knotak ho ksolok. Nakonu ho Espiritu Santo, <sup>42</sup>Isabel hahu koalia, dehan: "Ita boot diak liu feto hot-hotu! Ita boot nia oan diak liu! <sup>43</sup>Be ha'u se los atu ha'u Na'i nia inan hiiit an mai ha'u nia uma? <sup>44</sup>Basa, ita lia to'o tiha iha ha'u tilun, kosok oan book an kedes iha ha'u knotak. <sup>45</sup>Rahun diak ba ida ne'ebé fier katak lia ne'ebé Na'i hateten sei sai tuir los duni." <sup>46</sup>Maria hatán:

## Maria nia knananuk

<sup>47</sup>"Ha'u klamar hahi Na'i,

<sup>47</sup>ha'u neon haksolok

ihai Maromak ha'u Maksoin.

<sup>48</sup>Basa Nia haree nia atan feto ne'ebé folin laek.

Tebes duni, houri ohin ba oin

Ema hotu sei dehan ha'u rahun diak.

<sup>49</sup>Basa Ida ne'ebé bele buat hotu

halo buat kmanek wa'in tebes mai ha'u.

Nia naran santu.

<sup>50</sup>Nia laran luak houri otas

ba sira ne'ebé hamtauk Nia.

<sup>51</sup>Nia hatudu nia liman nia kbiit,

hodi halakon ema loko an sira.

<sup>52</sup>Nia hamonu ukun na'in sira

husi sira nia tur fatin,

hodi foti fali ema kiik sira.

<sup>53</sup>Nia haraik buat diak hotu ba mukit sira,

hodi haruka riku sira

ba ho liman mamuk.

<sup>54</sup>Nia tau matan ba nia atan Israel

hodi hanoin fali nia laran luak,

<sup>55</sup>tuir lia menon ne'ebé Nia hakotu ona

ba ita nia bei-ala sira,

ba Abraao no nia bei-oan sira ba nafatin."

<sup>56</sup>Maria hela ho Isabel besik fulan tolu, hafoin fila fali ba nia uma.

## João nia moris

<sup>57</sup>Wainhira tempu to'o ona ba Isabel, nia tur ahi oan mane ida. <sup>58</sup>Rona tiha katak Na'i hatudu laran luak boot ba nia, nia maluk no parenti sira haksolok ho nia. <sup>59</sup>Liu tiha loron ualu, sira mai atu halo sirkunsisaun kosok oan nian. Sira hakarak hanaran nia Zacarias, hanesan nia aman; <sup>60</sup>maibé nia inan dehan: "Lae, nia naran mak João." <sup>61</sup>Sira dehan fali ba nia: "Iha imi nia parenti sira leet la iha ema ida ho naran ne'e." <sup>62</sup>Tan ne'e, ho sinal oi-oin, sira husu ba

nia aman oin sa nia hakarak hanaran nia oan.<sup>63</sup>Nia husu surat tahan ida hodi hakerek: "Nia naran João." Sira hotu hakfodak.<sup>64</sup>Zacarias nia ibun nakloke kellas, nia nanal mamar fali, nia koalia hodi hawelok ba Maromak.<sup>65</sup>Sira hotu ne'ebé hela besik ne'ebá tauk teb-tebes. Lia hirak ne'e hotu naklekar iha foho rai Judeia tomak.<sup>66</sup>Sira hotu ne'ebé rona buat hirak ne'e rai hela iha sira nia laran hodi dehan ba sira an rasik: "Labarik ne'e sei sai sa los?" Basa, tebes duni, Na'i nia liman hela ho nia.

#### Zacarias nia knananuk

<sup>67</sup>Tuir mai, nia aman Zacarias, nakonu ho Espiritu Santu si'ik, dehan:  
<sup>68</sup>"Rahun diak ba Na'i, Israel nia Maromak,  
    basa Nia mai haree hodi soi nia povu.  
<sup>69</sup>Nia foti Maksoin maka'as ida mai ita  
    ihai nia atan David nia uma,  
<sup>70</sup>nu'udar Nia hakotu tiha ona  
    husi nia profeta santi uluk sira ibun.  
<sup>71</sup>atu soi ita husi ita nia funubalun sira  
    no husi sira hotu ne'ebé hirus ita sira liman,  
<sup>72</sup>atu hatudu nia laran luak ba ita nia bei-ala sira  
    hodi hanoin nia moruk santu:  
<sup>73</sup>katak, juramentu ne'ebé Nia halo tiha ba ita nia aman Abraao,  
<sup>74</sup>hodi haraik mai ita atu,  
    sai tiha husi ita nia funubalun sira liman,  
    ita serbi Nia ho aten berani,  
<sup>75</sup>ho moris los no santu,  
    ihai nia futar oin iha ita nia moris tomak.  
<sup>76</sup>O, kosok oan, ema sei hanaran o  
    Na'i Aas liu hotu nia profeta,  
    Basa o sei ba uluk Na'i  
    Atu hadia dalan ba Na'i,  
<sup>77</sup>hodi fo hatene ba nia povu nia maksoin,  
    atu sira hetan perdua ba sira nia sala.  
<sup>78</sup>Tanba ita nia Maromak laran luak teb-tebes,  
    mak naroman husi leten aas sei mai visita ita,  
<sup>79</sup>atu leno sira ne'ebé tur iha nakukun laran  
    no iha mate nia ukun,  
    hodi lori ita nia ain tuir dalam dame nian."

<sup>80</sup>Labarik sai boot, nia laran metin liu tan. Nia horik iha rai fuik maran to'o loron ne'ebé nia hatudu an ba Israel.

#### Jezús nia moris

<sup>1</sup>Iha loron hirak ne'ebá Cesar Augusto fo sai ukunfuan ida, hodi haruka ema iha mundu tomak atu ba tau naran.<sup>2</sup>Ukunfuan ne'e mak sira hala'o ba dala uluk wainhira Quirino mak emboot iha rai Siria.<sup>3</sup>Ema ida-ida ba tau naran iha nia sidade rasik.<sup>4</sup>Tan Jose mai husi David nia uma-kain, nia mos husik sidade Nazare iha Galileia, hodi sa'e ba Judeia, ba David nia sidade naran Belem,<sup>5</sup>atu tau naran ho nia kabon Maria, ne'ebé besik atu tur ahi.<sup>6</sup>Wainhira sira sei iha ne'ebá, Maria nia loron atu tur ahi to'o dau-daun.<sup>7</sup>Nia tur ahi nia oan mane boot, hodi haneras no hatoba nia iha balada han fatin, basa la iha fatin oan ida ba sira iha uma laran.

<sup>8</sup>Iha fatin ne'ebá iha bibi atan balun, ne'ebé kalan kalan hein sira nia bibi iha rai luan.<sup>9</sup>Na'i nia anju mosu ba sira. Maromak nia gloria nabilan iha sira leet. Sira hakfodak teb-tebes.<sup>10</sup>Tuir mai anju dehan ba sira: "Imi keta tauk, basa ha'u lori liafoun diak ida ba imi, ne'ebé sei haksolok mos povu tomak:<sup>11</sup>ohin iha David nia sidade foin moris ba imi Maksoin ida, katak Kristu Na'i.<sup>12</sup>Sinal atu imi hetan Nia mak ne'e: imi sei hetan kosok oan ida haneras no toba iha balada han fatin."<sup>13</sup>Teki-teki halibur hamtuk ho anju ne'e anju lubun boot ida ne'ebé hahi Maromak, dehan:<sup>14</sup>Gloria ba Maromak iha leten aas, dame iha raiklaran ba ema ne'ebé Nia hadomil?<sup>15</sup>Wainhira anju sira fila ba lalehan, bibi atan sira hateten ba malu: "Ita la'o to'ok ba Belem, hodi haree buat ne'ebé mosu, ne'ebé Na'i fo sai mai ita."<sup>16</sup>Sira ba halai, hodi hetan duni María, Jose no Kosok Oan hatoba hela iha balada han fatin.<sup>17</sup>Haree tiha Nia, sira haktuir buat ne'ebé anju sira hateten kona ba kiiq oan ne'e.<sup>18</sup>Ema hotu ne'ebé rona bibi atan sira hakfodak ho sira nia liafuan.<sup>19</sup>Maria fali rai hela liafuan hirak ne'e hotu, hodi hanoin di-diak iha nia laran.<sup>20</sup>Bibi atan sira fila ba uma hodi hahi hawelok Maromak tan buat hotu ne'ebé sira haree no rona, nu'udar anju sira fo hatene nanis.

<sup>21</sup>Liu loron ualu, wainhira labarik atu simu sirkunsisaun, sira hanaran Nia Jezús, nu'udar anju fo hatene molok nia inan ko'us.

#### Jezús nia aman sira lori Nia ba templu

<sup>22</sup>Liu tiha tempu hamos an nian, tuir Moises nia ukunfuan, sira lori labarik ba Jerusalem atu saran Nia ba Na'i,<sup>23</sup>nu'udar hakerek iha Na'i nia ukunfuan, katak "Oan mane boot hotu sei saran ba Na'i,"<sup>24</sup>no mos atu hasa'e, nu'udar karan, manu falur rua eh manu pombu oan rua, nu'udar Na'i nia ukunfuan haruka.<sup>25</sup>Iha Jerusalem moris ema ida naran Simeao. Nia ema los ne'ebé hamtauk Maromak; nia hein Israel nia ksolok, no Espiritu Santu horik ho nia.<sup>26</sup>Nia simu lia husi Espiritu Santu katak nia sei la mate molok nia haree Na'i nia Kristu.<sup>27</sup>Tuir Espiritu nia kbiit nia mai iha templu. Wainhira nia aman sira lori Jezús atu halo tuir ukunfuan,<sup>28</sup>nia simu Kosok Oan iha nia liman, hodi hahi Maromak, dehan:

#### Simeao nia knananuk

<sup>29</sup>"Na'i, oras ne'e Ita Boot bele husik ona  
    Ita atan ba ho dame, tuir Ita nia liafuan;  
<sup>30</sup>basa ha'u nia matan haree ona Maksoin  
    ne'ebé Ita Boot hadia ba povu hot-hotu:  
<sup>32</sup>naroman atan leno gentiu sira  
    no povu Israel nia gloria."

<sup>33</sup>Labarik nia aman inan sira hakfodak ho buat ne'ebé nia dehan kona ba Nia.<sup>34</sup>Simeão fo bensa ba sira, hodi dehan ba nia inan Maria: "Haree ba, labarik ne'e mosu mai atu hatun no foti ema barak iha Israel, no mos atu sai sinal ida ne'ebé halo ema nia lia la tuir malu;<sup>35</sup>no surik ida sei sona borus ita nia fuan, atu fo sai buat ne'ebé ema barak hanoin iha sira nia laran."

<sup>36</sup>Iha mos feto duina ida, naran Ana, Fanuel husi suku Aser nia oan. Nia otas boot ona. Liu tiha nia tempu fetoran nian, nia kaben tinan hitu; <sup>37</sup>hafoin nia moris nu'udar feto faluk to'o nia tinan ualu nulu resin haat. Nia la husik templu, maibé serbi Maromak kalan loron, hodi halo jejum no hamulak. <sup>38</sup>Iha oras ne'ebá nia mahodi hahi Na'i no koalita kona ba Labarik ne'e ba sira hotu ne'ebé hein Israel nia maksoin.

<sup>39</sup>Halo tuih tiha buat hotu ne'ebé Na'i nia ukunfuan haruka, sira fila fali ba Galileia, ba sira nia sidade iha Nazare. <sup>40</sup>Labarik oan mos sai boot ba dau-daun no maka'as liu tan, hakonu ho matenek, no Maromak nia grasa hela hamutuk ho Nia.

#### Jezús iha templu

<sup>41</sup>Tinan tinan Jezús nia inan aman sira ba Jerusalem iha festa Paskua. <sup>42</sup>Wainhira Nia halo tinan sanulu resin rua, sira sa'e ba Jerusalem, tuih lisan festa nian. <sup>43</sup>Festa hotu tiha, sira fila hikas ba uma, maibé Jezús hela iha Jerusalem; nia aman sira la hatene. <sup>44</sup>Sira hanoin katak Nia la'o ho maluk sira. La'o tiha loron ida, mak sira buka Nia iha parenti no maluk sira leet. <sup>45</sup>Tan la hetan Nia, sira fila fali ba Jerusalem hodi buka Nia. <sup>46</sup>Liu tiha loron tolu, sira hetan fali Nia iha templu, tur hela iha ema matenek sira leet, hodi rona no husu sira. <sup>47</sup>Ema hotu ne'ebé rona Nia hakfodak ho nia matenek no nia liafuan. <sup>48</sup>Haree tiha Nia, nia aman sira hakfodak teb-tebes. Nia inan hateten ba Nia: "Ha'u oan, tansa O halo nune'e mai ami? O nia aman ho ha'u neon susar teb-tebes hodi buka O." <sup>49</sup>Nia dehan ba sira: "Tansa imi buka Ha'u? Imi la hatene katak Ha'u sei hela iha Ha'u Aman nia uma?" <sup>50</sup>Maibé sira la komprende lia hirak ne'e katak sa. <sup>51</sup>Jezús tun fali hamutuk ho sira ba Nazare, hodi halo tuih sira nia hakarak. <sup>52</sup>Nia inan rai lia hirak ne'e hotu iha nia laran. No Jezús sai boot ba dau-daun iha otas, matenek no kmanek, iha Maromak no ema sira oin.

#### João Baptista nu'udar manu-ain

<sup>1</sup>Iha tinan sanulu resin lima liurai boot Tiberio nia ukun nian, wainhira Poncio Pilatos mak emboot iha rai Judeia, Herodes liurai iha rai Galileia; Filipe, Herodes nia alin, liurai iha Itureia no Trakonitide, no Lisanias liurai iha rai Abilene; <sup>2</sup>wainhira Anas ho Caifas mak hala'o knaar am'lulik boot nian, Na'i Maromak nia lia tun ba João, Zacarias nia oan, iha rai fuik maran. <sup>3</sup>João la'o lemo rai besik mota Jordao nian, hodi haklaken ba ema hotu baptismu atu hakrivi sala hodi hetan perdua, <sup>4</sup>nu'udar hakerek ona iha livru profeta Isaías nian, dehan:

"Lia ida hakilar iha rai fuik maran;

'Hadia Na'i nia dalan!

Halos Na'i nia dalan inuk!

<sup>5</sup>Taka tiha rai klean hotu!

Hatun fohu tomak, aas no badak!

Halos dalan kleuk!

Halo kaber dalan aat hotu!

<sup>6</sup>No ema tomak sei haree Maromak nia maksoin!"

<sup>7</sup>Ne'e duni, nia dehan ba ema lubun boot ne'ebé mai atu simu baptismu husi nia: "Imi ema aat sira! Se mak hanorin imi atu halai husi hirus boot ne'ebé atu mai dau-daun?" Ima buka hatudu ho hahalok katak imi hakrivi duni imi nia sala. Keta hahu hateten ba imi an rasik: "Abraao mak ami nia aman"; basa ha'u dehan ba imi katak husi fatuk sira ne'e Maromak bele fo oan sira ba Abraao. <sup>9</sup>Ohin kedad balium iha ona ai-abut sira. Tan ne'e, ai-hun ne'ebé la fo fuan sei tesii tiha hodi soe ba ahí."

<sup>10</sup>Ema lubun boot husu ba nia: "Ami sei halo sa los?" Nia hatán: <sup>11</sup>"Ema ne'ebé iha hatais tahan rua, fahé ho maluk ne'ebé la iha; no ema ne'ebé iha ai-han, halo mos nune'e." <sup>12</sup>Publikanu sira mos mai atu simu baptismu. Sira husu ba Nia: "Mestre, ami sei halo sa los?" <sup>13</sup>Nia hatán ba sira: "Imi keta husu impostu liu ida ne'ebé estadu haruka." <sup>14</sup>Soldadu sira mos husu ba nia: "Be, ami sei halo sa los?" Nia hatán: "Keta hanehan ema, keta duu matak ema, simu de'it ho laran imi nia kolen." <sup>15</sup>Tan povu hein namanas, sira hanoin iha sira nia laran katak João mak Messias. <sup>16</sup>João hatán ba sira dehan: "Ha'u sarani imi ho be, maibé Ida ne'ebé maka'as liu ha'u atu to'o mai ona. Ha'u la soi atu kore nia sapatu tali. Nia sei sarani imi ho Espiritu Santo no ahi. <sup>17</sup>Nia kaer ona lafatik atu saar halo mos nia klobur, hodi halot nia haree iha hoka: maibé haree kain nia sei sunu tiha iha ahi ne'ebé la mate mohu!"

<sup>18</sup>Ho lia hirak ne'e no lia seluk tan, João haklaken liafoun diak ba povu. <sup>19</sup>Maibé liurai Herodes ne'ebé João haksi'ak tanba hola Herodiade, nia alin nia kaben, no mos tanba buat aat seluk ne'ebé nia halo, <sup>20</sup>hawain liu tan nia hahalok aat sira hodi hatama João iha dadur laran.

#### Jezús simu baptismu

<sup>21</sup>Loron ida, wainhira ema hotu simu ona baptismu no Jezús rasik simu tiha baptismu no sei harohan dau-daun, lalehan nakloke. <sup>22</sup>Espíritu Santo tun ba Nia iha manu falur nia ilas. Lia ida tun husi lalehan, dehan: "O mak Ha'u nia Oan doben ne'ebé Ha'u hadomi teb-tebes."

#### Jezús nia bei-ala sira

<sup>23</sup>Wainhira Jezús hahu hanorin, Nia besik tinan tolu nulu. (Ema hotu hanoin katak) Nia mak Jose nia oan; Heli nia oan; <sup>24</sup>Matat nia oan; Levi nia oan, Melqui nia oan, Janel nia oan, Jose nia oan, <sup>25</sup>Matatias nia oan, Amos nia oan, Naum nia oan, Esli nia oan, Nagai nia oan, <sup>26</sup>Maat nia oan, Matatias nia oan, Semeim nia oan, Josech nia oan, Juda nia oan, <sup>27</sup>Joana nia oan, Resa nia oan, Zorobabel nia oan, Salatiel nia oan, Neri nia oan, <sup>28</sup>Melqui nia oan, Adi nia oan, Cosao nia oan, Elmadao nia oan, Er nia oan, <sup>29</sup>Jezús nia oan, Eliezer nia oan, Jorim nia oan, Mata nia oan, Levi nia oan, <sup>30</sup>Simeao nia oan, Juda nia oan, Jose nia oan, Jonao nia oan, Eliacim nia oan, <sup>31</sup>Melea nia oan, Mena nia oan, Matata nia oan, Natao nia oan, David nia oan, <sup>32</sup>Jesse nia oan, Jobed nia oan, Booz nia oan, Sala nia oan, Naassao nia oan, <sup>33</sup>Aminadab nia oan, Admin nia oan, Arni nia oan, Esrao nia oan, Fares nia oan, Juda nia oan, <sup>34</sup>Jacob nia oan, Isaac nia oan, Abraao nia oan, Tara nia oan, Nacor nia oan, <sup>35</sup>Seruch nia oan, Ragau nia oan, Falec nia oan, Eber nia oan, Sala nia oan, <sup>36</sup>Cainao nia oan, Arfaxad nia oan, Sem nia oan, Noe nia oan, Lamech nia oan, <sup>37</sup>Matusalem nia oan, Enoch nia oan, Jaret nia oan, Maleleel nia oan, Cainao nia oan, <sup>38</sup>Enos nia oan, Set nia oan, Adao nia oan, Maromak nia oan.

#### Diabu babeur Jezús iha rai fuik maran

<sup>1</sup>Nakonu ho Espíritu Santo, Jezús husik Jordao. Espíritu lori Nia ba rai fuik maran. <sup>2</sup>Iha ne'ebá Nia horik iha loron haat nulu laran. Diabu babeur Nia. Iha loron hirak ne'ebá Nia la han buat ida. <sup>3</sup>Diabu dehan ba Nia: "O Maromak nia Oan duni karik, dehan to'ok ba fatuk sira ne'e atu nakfila ba paun."

<sup>4</sup>Maibé Jezús hatán: "Eskritura dehan: 'Ema la moris ho ai-han de'it.'" <sup>5</sup>Liu tiha ne'e, diabu lori Nia ba fohu aas ida, hodi hatudu ba Nia iha tempu ida de'it reinu hot-hotu raiklaran nian, "hodi dehan ba Nia: "Ha'u sei fo ba O kbitu no gloria tomak ne'e, basa buat ne'e hotu saran tiha ona mai ha'u atu fo ba ida ne'ebé ha'u hakarak. <sup>7</sup>Ne'e duni, O adora ha'u karik, buat sira ne'e hotu O nian." <sup>8</sup>Maibé Jezús hatán ba nia: "Eskritura dehan: 'O sei adora Na'i, o nia Maromak; Nia mesak de'it mak o sei serbi!'" <sup>9</sup>Tuir mai, lori tiha Jezús ba Jerusalem hodi halo Nia hamriik iha templu nia tutun, diabu hateten ba Nia: "O Maromak nia Oan karik, soe O An husi ne'e ba kraik, <sup>10</sup>basa hakerek nanis ona: 'Nia sei haruka nia anju sira atu tau matan ba O'; no mos: <sup>11</sup>"Sira sei lori O iha sira nia liman atu O nia ain la bele sidi iha fatuk ida." <sup>12</sup>Maibé Jezús hatán ba nia: "Hakerek tiha ona mos katak: 'O sei la babeur Na'i, o nia Maromak!'" <sup>13</sup>Koko tiha dalam oioin atu babeur Jezús, diabu husik Nia to'o loron seluk.

#### Jezús hahu hanorin

<sup>14</sup>Nakonu ho Espíritu Santo nia kbiit, Jezús fila fali ba Galileia; nia naran sai boot iha rai tomak. <sup>15</sup>Nia hanorin iha sinagoga hotu; ema hot-hotu hahi Nia.

## Jezús iha Nazare

<sup>16</sup>Nia mai iha Nazare, iha ne'ebé Nia sai boot. Hanesan Nia halo fila fila, Nia tama iha sinagoga iha loron Sabadu. Nia hamriik atu lee. <sup>17</sup>Sira fo ba Nia livru profeta Isaías nian. Loke tiha, Nia hetan fatin ida ne'ebé hakerek nune'e:

<sup>18</sup>"Na'i nia Espiritu iha Ha'u basa Nia kose tiha Ha'u ho mina  
atu haklaken Liafoun Diak ba kiak sira;

<sup>19</sup>Nia haruka Ha'u atu haklaken maksoin ba dadur sira  
no halo matan delek sira haree; atu soi sira ne'ebé ema hanehan,  
hodi haklaken Na'i nia tinan rahun kmanek nian."

<sup>20</sup>Hafoin, taka tiha livru, Jezús fo ba ema ne'ebé hala'o knaar. Nia tur tiha. Ema hot-hotu iha sinagoga hateke ba Nia. <sup>21</sup>Tuir mai, Nia hahu koalia ba sira, dehan: "Ohin halo tuir los duni liafuan Eskritura nian ne'ebé imi foin rona." <sup>22</sup>Sira hotu hahi Nia; hodi hakfodak tan liafuan kmook ne'ebé sai husi nia ibun. <sup>23</sup>Sira dehan: "Ida ne'e la'os Jose nia oan?" Nia hatán ba sira: "Imi kala sei hateten mai Ha'u: 'Doutor, bali o nia isin raskik. Buat hotu ne'ebé ami rona katak o halo iha Kafarnaum, halo mos iha ne'e, iha o nia rai.'" <sup>24</sup>Nia dehan teni ba sira: "Tebes, Ha'u dehan ba imi katak ema la simu profeta ida iha nia rai rasik. <sup>25</sup>Ha'u dehan lo-los ba imi: iha Elias nia loron, iha feto faluk barak iha Israel, wainhira lalehan taka metin ba tinan tolu no fulan neen nia laran; rai tomak hamlaha boot; <sup>26</sup>maibé Maromak la haruka Elias ba feto faluk sira ne'e ida, Nia haruka de'it ba feto faluk iha Sarepta, iha rai Sidon. <sup>27</sup>Iha Eliseu nia loron mos iha ema moras lepra barak iha Israel, maibé sira ida de'it mak hetan isin diak, katak Naaman husi rai Siria." <sup>28</sup>Rona tiha liafuan hirak ne'e, ema hotu iha sinagoga laran nakali teb-tebes. <sup>29</sup>Sira hamriik hodi duni sai Nia husi sidade; hafoin sira lori Nia to'o rai tatinis iha foho leten, iha ne'ebé sira nia sidade harii hela, atu soe tun Nia husi ne'ebá. <sup>30</sup>Maibé Jezús liu husi sira leet, la'o tuir nia dalam.

## Jezús hanorin iha Kafarnaum

<sup>31</sup>Nia tun ba Kafarnaum, sidade Galileia nian; iha ne'ebá Nia hanorin sira iha loron Sabadu. <sup>32</sup>Ema hakfodak ho nia doutrina, basa Nia koalia ho kbiit wa'in.

<sup>33</sup>Iha sinagoga, ema ida ho espiritu foer hakilar ho lia maka'as, dehan: <sup>34</sup>"Jezús Nazare, O hakarak halo sa ida mai ami? O mai atu halo aat ami? Ha'u hatene O se los: Maromak nia santul!" <sup>35</sup>Jezús si'ak nia, dehan: "Nonok! Sai tiha husi nia!" Soe tiha ema ne'e ba rai iha sira hotu nia oin, diabu sai husi nia, la halo aat ida ba nia. <sup>36</sup>Sira hotu hakfodak no tauk, hodi hateten ba malu: "Liafuan ne'e sa los? Nia haruka ho kbiit wa'in espiritu foer sira no sira sai duni!" <sup>37</sup>Jezús Nia naran boot habelar iha fatin hot-hotu iha rai ne'ebá.

## Jezús fo isin diak ba Pedro nia banin foto

<sup>38</sup>Husik tiha sinagoga, Jezús ba Simão nia uma. Simão nia banin foto moras boot isin manas. Sira husu Jezús atu tulun nia. <sup>39</sup>Hakru'uk tiha ba nia, Jezús haruka isin manas, ne'ebé sai kedas husi nia. Hafoin nia hamriik hodi serbi sira.

<sup>40</sup>Wainhira loron atu monu ona, sira hotu ne'ebé iha parenti sira ho moras oi-oin lori sira ba Jezús. Nia tau nia liman ba sira ida-ida, hodi fo isin diak ba sira. <sup>41</sup>Diabu sira sai husi ema barak, hodi hakilar: "O Maromak nia Oan Mane!" Maibé Nia si'ak sira atu la bele koalia, basa sira hatene katak Nia mak Messias. <sup>42</sup>Iha dadersan, Nia sai hodi ba fatin fuik ida. Ema lubun boot buka Nia. Hetan tiha Nia, sira hakarak katak Nia la bele husik sira. <sup>43</sup>Maibé nia dehan ba sira: "Ha'u sei haklaken mos liafoun diak Maromak nia reinu nian ba rai selu-seluk; tan ne'e mak Ha'u mai." <sup>44</sup>Ne'e duni, Nia la'o ba oin o sei tiha sinagoga sira rai Judeia nian.

## Jezús fihir nia eskolante sira

<sup>1</sup>Loron ida ema lubun boot ida hale'u Jezús atu rona Maromak nia liafuan. Nia hamriik iha tasi Genesare nia ibun. <sup>2</sup>Nia harea ro rua kesi hela iha tasi ibun. Husik tiha ro, tiha na'in sira fase hela dai. <sup>3</sup>Sa'e tiha ba Simão nia ro, Jezús husu ba nia atu hadook ro uitoan husi tasi ibun. Hafoin, Nia tur tiha iha ro laran, hodi hanorin ema sira. <sup>4</sup>Koalia hotu tiha, Nia dehan ba Simão: "Tama liu ba tasi laran no tiha ba!" <sup>5</sup>Simão hatán, "Mestre, ami serbisu tiha kalan tomak, la kaer buat ida. Maibé, tan Ita mak dehan, ha'u sei soe duni dai." <sup>6</sup>Wainhira sira halo nune'e, sira kaer ikan barak teb-tebes, dai besik atu nakles. <sup>7</sup>Sira leok liman hodi bolu maluk sira iha ro seluk atu mai tulun sira. Sira mai duni, hodi halo ro rua nakonu di-diak besik atu mout. <sup>8</sup>Haree tiha ne'e, Simão Pedro monu ain ba Jezús, hodi dehan: "Na'i, hadook n husi ha'u, tan ha'u ema maksalak ida!" <sup>9</sup>Tebes duni, nia ho nia maluk sira seluk hakfodak tanba ikan barak ne'ebé sira kaer. <sup>10</sup>Simão nia maluk sira, katak João no Tiago, Zebedeu nia oan sira, sira mos hakfodak. Jezús dehan Simão: "Keta tauk; houri ohin ba oin o sei tiha ema." <sup>11</sup>Dada tiha ro ba tasi ibun, sira husik buat hotu hodi la'o tuir Jezús.

## Ema moras lepra hetan isin diak

<sup>12</sup>Wainhira Jezús hela iha sidade ida, ema moras lepra ida ba hasoru Nia. Tuku tur tiha ba rai, nia husu ho laran: "Na'i, Ita hakarak karik, Ita bele hamos ha'u." <sup>13</sup>Jezús loloi nia liman hodi kona nia, dehan: "Ha'u hakarak, sai mos bal!" Moras lepra lakon kedes. <sup>14</sup>Jezús bandu nia atu la bele fo hatene buat ne'e ba ema ida, dehan: "La'o ba, hatedu o nia an ba am'lulik, hodi hasa'e buat ne'ebé Moises haruka nu'udar sasin ba sira tan o hetan isin diak." <sup>15</sup>Maibé Jezús nia naran boot naklekar liu tan. Ema barak mai atu rona Nia, no mos atu hetan isin diak. <sup>16</sup>Maibé Nia hadook an ba fatin fuik ida, hodi hela mesa-mesak atu harohan.

## Ema isin tos ida hetan isin diak

<sup>17</sup>Loron ida, wainhira Jezús tur hodi hanorin, fariseu no doutor ukunfuan nian balun tur hamutuk. Sira mai husi knua hotu Galileia nian, husi Judeia no mos husi Jerusalem. Maromak nia kbiit atu fo isin diak hela ho Nia. <sup>18</sup>Iha oras ne'ebá, ema balun mai lori ema isin tos ida iha nia tobafatin. Sira hakarak hatama nia to'o Jezús nia oin; <sup>19</sup>maibé, tanba ema barak taka dalam, sira sa'e ba uma nia kakuluk hodi loke kuak ida no hatun nia iha nia tobafatin ba Jezús nia oin iha ema sira leet. <sup>20</sup>Haree tiha sira nia fier, Jezús dehan: "Belun, o nia sala sira kasu tiha ona." <sup>21</sup>Eskriba no fariseu sira hahu hanoin: "Ema ne'e se los atu koalia atu Maromak? Se mak bele perdua sala sira? Maromak de'it mak bele!" <sup>22</sup>Maibé Jezús hatene sira nia hanoin. Tan ne'e Nia hatán ba sira, dehan: "Imi hanoin sa ida iha imi nia laran?" <sup>23</sup>Ida ne'ebé mak lalaiz liu, hateten 'O nia sala kasu tiha ona', eh hateten 'Hamriik, la'o ba?' <sup>24</sup>Ne'e duni, atu imi bele hatene katak Oan Mane iha kbiit iha rai atu kasu sala," Nia dehan ba ema isin tos: "Ha'u haruka o: hamriik ba, foti o nia biti hodi ba o nia uma!" <sup>25</sup>Ema ne'e hamriik kedes iha sira nia oin, foti tobafatin iha ne'ebé nia uluk toba hela no la'o ba uma hodi hahi Maromak. <sup>26</sup>Sira hotu hakfodak no hahi Maromak. Sira tauk teb-tebes, dehan: "Ohin ita harea buat kmanek boot teb-tebes!"

## Jezús bolu Levi

<sup>27</sup>Tuir mai wainhira Jezús sai husi fatin ne'e, Nia harea ema ida naran Levi, tur dau-daun iha kobra osan fatin. Jezús dehan ba nia: "Mai, tuir Ha'u!" <sup>28</sup>Husik tiha buat hotu, nia hamriik hodi tuir Jezús.

## Jezús ho ema maksalak sira

<sup>29</sup>Levi halo festa boot ba Jezús iha nia uma. Publikanu barak no ema selu-seluk tan tur hamutuk ho sira iha meja. <sup>30</sup>Fariseu no eskriba sira hamuu eskolante sira, dehan: "Tansa imi han hemu hamutuk ho publikanu no ema maksalak sira?" <sup>31</sup>Jezús hatán ba sira, dehan: "La'os ema isin diak sira mak kuran doutor, maibé ema moras sira. <sup>32</sup>Ha'u la mai atu bolu ema diak sira, maibé ema maksalak sira atu hakribi sala."

Kona ba hadera an

<sup>33</sup>Sira dehan ba Nia: “João nia eskolante sira hadera an hodi hamulak. Fariseu sira nia eskolante sira halo mos nune’e. Maibé, O nian sira fali han hemu.” <sup>34</sup>Jezús hatán ba sira: “Imi bele haruka noivu nia belun sira atu hadera an wainhira noivu sei hela ho sira?” <sup>35</sup>Loron sei to’o mai, wainhira ema sei hasai noivu husi sira; foin mak sira sei hadera an.”

<sup>36</sup>Nia haktuir tan aiknanoik ida ne’e ba sira: “Ema ida la les hena foun ida atu taka hena tuan nia kuak; halo nune’e karik, hena foun nakles tiha, nia la los ho hena tuan.” <sup>37</sup>Ema ida la rai hela tua foun iha tua fatin kulit tuan; nia halo nune’e karik, tua foun sei halo fera tua fatin kulit tuan hodi tua nafkafar de’it, tan tua fatin kulit aat ona. <sup>38</sup>Maibé tua foun sei tau iha tua fatin kulit foun, no sira rua sei la lakon. <sup>39</sup>La iha ema ida ne’ebé, hemu tiha tua tuan, hakarak hemu tan tua foun, basa nia dehan: ‘Tua tuan mak diak.’”

Silu batar iha loron Sabadu

<sup>1</sup>Iha loron Sabadu ida, wainhira Jezús la’o husi to’os batar nian, nia eskolante sira silu no behu batar iha sira nia liman atu han. <sup>2</sup>Fariseu sira dehan: “Tansa imi halo buat ne’ebé bandu iha loron Sabadu?” <sup>3</sup>Jezús hatán ba sira: “Imi la lee buat ne’ebé David halo wainhira nia ho nia maluk sira hamlaha, <sup>4</sup>katak nia tama iha Maromak nia Uma, hola paun sakrifisiu nian hodi han no fahe ba sira, paun ne’ebé am’lulik sira de’it mak bele han?” <sup>5</sup>Nia dehan tan ba sira: “Oan Mane mak Sabadu nia Na’i.”

Jezús fo isin diak ba ema moras ida iha loron Sabadu

<sup>6</sup>Iha loron Sabadu seluk Nia tama iha sinagoga hodi hahu hanorin. Iha ne’ebá iha ema ida ho liman los mate. <sup>7</sup>Eskriba no fariseu sira hateke hela ba Nia atu haree Nia sei fo isin diak iha loron Sabadu ka lae, atu nune’e sira bele hetan lia ruma hasoru Nia. <sup>8</sup>Maibé, tan hatene sira nia hanoin, Nia dehan ba ema liman mate ne’e: “Hamriik ba, mai iha klaran!” Nia mai hamriik duni. <sup>9</sup>Tuir mai Jezús dehan ba sira: “Ha’u husu imi: buat sa mak ema bele halo iha loron Sabadu, halo diak eh halo aat, soi ema nia moris ka halo aat nia?” <sup>10</sup>Hafoin, hateke hale’u ba sira hotu, Nia dehan ba ema ne’e: “Lolo o nia liman ba!” Nia lolo duni, nia liman sai diak fali. <sup>11</sup>Sira laran nakali, hodi koalia ba malu atu halo oin sa los ho Jezús.

Jezús fihir eskolante na’in sanulu resin rua

<sup>12</sup>Iha loron hirak ne’ebá Nia sa’e ba foho atu harohan; kalan tomak Nia harohan ba Maromak. <sup>13</sup>Iha dader, Nia bolu nia eskolante sira, hodi fihir husi sira leet na’in sanulu resin rua ne’ebé Nia hanaran ‘apostolu’ <sup>14</sup>Simão, ne’ebé Nia hanaran Pedro, ho nia alin Andre; Tiago, João, Filipe ho Bartolomeu; <sup>15</sup>Mateus, Tome; Tiago, Alfeu nia oan; Simão ne’ebé hanaran Zeloso; <sup>16</sup>Judas, Tiago nia oan, no Judas Iscariotes ne’ebé sei saran Nia ba mate.

Ema lubun boot tuir Jezús

<sup>17</sup>Tun tiha hamutuk ho sira, Jezús para iha rai tetuk ida. Iha ne’ebá eskolante barak ho tan ema lubun boot husi rai Judeia tomak, husi Jerusalem no husi tasi ibun Tiro no Sidon nian, <sup>18</sup>sira mai atu rona Nia no mos atu hetan isin diak husi sira nia moras. <sup>19</sup>Sira hotu buka atu kona nia, basa kbiit sai husi Nia hodi fo isin diak ba sira hotu.

Lia rahun diak nian

<sup>20</sup>Foti tiha matan ba nia eskolante sira, nia dehan: “Rahun diak ba imi sira ne’ebé kiak, basa Maromak nia reinu imi nian. <sup>21</sup>Rahun ba imi sira ne’ebé oras ne’e hamlaha, basa imi sei han to’o bosu. Rahun diak ba imi ne’ebé ohin loron tanis, basa imi sei hamnasa. <sup>22</sup>Rahun diak ba imi, wainhira ema rai hirus hasoru imi, wainhira ema duni sai imi, tolok imi, hewai imi nia naran hanesan buat aat, tan de’it Oan Mane. <sup>23</sup>Iha loron ne’ebá imi haksolok ba, basa imi nia kolen wa’in tebes iha lalehan. Nune’e mak sira nia aman sira halo ba profeta sira. <sup>24</sup>Maibé susar ba imi ne’ebé riku, basa imi hetan ona imi nia ksolok. <sup>25</sup>Susar ba imi ne’ebé han to’o bosu, basa imi sei hamlaha. <sup>26</sup>Susar ba imi, wainhira ema hotu hahi imi, basa imi nia bei-ala sira halo mos nune’e ba profeta falsu sira.”

Hadomi funubalan sira

<sup>27</sup>“Ha’u dehan ba imi sira ne’ebé rona dau-daun: hadomi imi nia funubalan sira, halo diak ba sira ne’ebé hirus imi; <sup>28</sup>fo bensa ba sira ne’ebé fo malisan ba imi, harohan ba sira ne’ebé hasara imi; <sup>29</sup>ba ida ne’ebé basa o nia hasan ida, fo tan o nia hasan seluk; ba ida ne’ebé hadau o nia unuk, fo tan o nia hatais; <sup>30</sup>ba ida ne’ebé husu buat ruma, fo ba; ba ida ne’ebé hola o nia sasan sira, keta husu fali. <sup>31</sup>Buat ne’ebé imi hakarak ema halo ba imi, halo mos nune’e ba sira. <sup>32</sup>Imi hadomi karik sira ne’ebé hadomi imi, imi halo diak ida ne’ebé? Ema maksalak sira mos hadomi sira ne’ebé hadomi sira. <sup>33</sup>Imi halo de’it diak karik ba sira ne’ebé halo diak ba imi, imi nia diak ida ne’ebé? Ema maksalak sira mos halo nune’e. <sup>34</sup>Imi impresta de’it karik ba ema ne’ebé bele fo fali, imi halo diak ida ne’ebé? Ema maksalak sira mos impresta sira nia rikuso, hodi hein atu simu fali nia folin. <sup>35</sup>Maibé imi hadomi imi nia funubalan sira; halo diak no impresta hodi la hein atu simu buat ida. Nune’e imi nia kolen sei sai boot teb-tebes: imi sei sai Na’i aas liu hotu nia oan, basa Nia laran diak ba ema at no ema laran makerek sira.

Laran luak

<sup>36</sup>Imi buka sai ema laran luak hanesan imi nia Aman laran luak. <sup>37</sup>Imi keta hanoin aat ema, no ema sei la hanoin aat imi; imi keta duu matak ema, no ema sei la duu matak imi. Imi fo perdua, no imi sei hetan perdua. <sup>38</sup>Imi fo, no imi sei simu; ema sei tau ba imi nia liman buat diak barak to’o naresin. Basa imi halo oin sa ba ema, nune’e mos ema sei halo ba imi.”

Haree uluk o nia an

<sup>39</sup>Nia dehan tan ba sira aiknanoik ida ne’e: “Ema matan delek ida bele hatudu dalam ba ema matan delek seluk? Sira na’in rua la monu hotu iha kuak laran?” <sup>40</sup>Eskolante ida la bele sai boot liu fali nia mestre, basa eskolante diak sei halo hanesan nia mestre. <sup>41</sup>Tansa o haree ai-rahun ida iha o nia maluk nia matan, maibé la haree ai-kabelak iha o nia matan rasik? <sup>42</sup>Oin sa o bele dehan ba o nia alin: ‘Alin, husik ha’u hasai ai-rahun husi o nia matan, wainhira o la bele haree ai-kabelak iha o nia matan rasik? Laran makerek! Hasai uluk lai ai-kabelak husi o nia matan, hafoin o sei bele haree mo-mos atu hasai ai-rahun husi o nia alin nia matan.’”

<sup>43</sup>“La iha ai-hun diak ne’ebé fo fali fuan aat, eh ai-hun aat ne’ebé fo fuan diak. <sup>44</sup>Ema bele hatene ai-hun ida-ida husi nia fuan: ema la ku’u ai figueira nia fuan husi ai-tarak sira, eh uvas fuan husi ai-fuik. <sup>45</sup>Ema diak hasai buat diak husi nia laran diak, ema aat hasai buat aat husi nia laran aat. Ema nia ibun koalia husi buat ne’ebé hakonu nia fuan.”

Eskolante los

<sup>46</sup>“Tansa imi bolu ha’u ‘Na’i, Na’i’, maibé la halo tuir buat ne’ebé Ha’u hateten? <sup>47</sup>Ema ne’ebé mai besik Ha’u no rona hodi halo tuir ha’u nia liafuan, Ha’u sei hatudu ba imi ema ne’e hanesan sa los? <sup>48</sup>Nia hanesan ema ne’ebé harii uma ida: nia ke’e klean, hodi tau nia hun iha fatuk leten; wainhira mota sai boot, be baku hasoru uma ne’e, maibé la bele sobu, basa harii tiha iha fatuk leten. <sup>49</sup>Maibé ida ne’e rona hodi la halo tuir, nia hanesan ema ne’ebé harii tiha uma ida iha rai henek leten, hun metin la iha. Wainhira mota sai boot no be baku hasoru nia, uma ne’e monu kendas, sobu rahan aat liu.”

## Senturiaun nia fiar

<sup>1</sup>Hanorin tiha povu sira, Nia tama iha Kafarnaum. <sup>2</sup>Senturiaun ida nia atan moras todan, besik atu mate. Senturiaun ne'e hadomi teb-tebes nia atan ne'e. <sup>3</sup>Rona tiha kona ba Jezús, nia haruka katwas Judeu sira nian atu husu Nia mai fo isin diak ba nia atan ne'e. <sup>4</sup>To'o tiha ba Jezús, sira husu namanas ba Nia, dehan: "Nia soi atu Ita haraik buat ne'e ba nia, <sup>5</sup>basa nia hadomi ita nia povu; nia rasik harii ita nia sinagoga." <sup>6</sup>Jezús ba hamutuk ho sira. Wainhira sira besik ona uma, senturiaun haruka nia belun sira atu hateten ba Nia: "Na'i, keta hakole an, <sup>7</sup>basa ha'u la soi atu Ita tama iha ha'u nia uma. Tan ne'e mak ha'u la berani atu mai hasorit Ita. Dehan to'ok liafuan ida, no ha'u atan sei hetan isin diak. <sup>8</sup>Basa ha'u, ne'ebé halo tuir ema boot liu ha'u, iha mos soldadu sira ne'ebé halo tuir ha'u. Ha'u dehan ba ida 'Ba,' nia ba; ba ida seluk, 'Mai,' nia mai; ba ha'u nia atan 'Halo ne'e', nia halo." <sup>9</sup>Rona tiha liafuan hirak ne'e, Jezús hakfodak, hodi fila oin ba ema lubun boot ne'ebé tuir Nia, dehan: "Tebes, Ha'u dehan ba imi katak iha Israel mos ha'u la hetan fiar hanesan ne'e." <sup>10</sup>Wainhira manu-ain sira to'o uma, sira hetan atan diak fali ona.

## Feto faluk nia oan moris hi'as fali

<sup>11</sup>Tuir mai Nia ba sidade ida naran Naim. Nia eskolante sira no ema lubun boot tuir Nia. <sup>12</sup>Wainhira Nia besik ona sidade nia odamatian, ema lori atu hakoi foinsa'e ida, ne'ebé feto faluk ida nia oan mane mesak. Ema barak husi sidade ba hamutuk ho feto ne'e. <sup>13</sup>Haree tiha nia, Na'i hanoin nia ho laran, dehan: "Keta tanis!" <sup>14</sup>Nia hakbesik, hodi kona kaisaun. Sira ne'ebé lori nia para tiha. Hafoin nia dehan: "Klosan, Ha'u dehan ba o, hamriuk ba!" <sup>15</sup>Ema mate ne'e hader tiha, hodi tur no hahu koalia. Jezús sarau nia ba nia inan. <sup>16</sup>Ema hotu hakfodak hodi hahi Na'i Maromak, dehan: "Profeta ida mosu tiha iha ita nia leet; Maromak mai haree tiha nia povu!" <sup>17</sup>Lia kona ba Nia naklekar ba Judeia tomak no ba rai hot-hotu besik ne'ebá.

## João Baptista haruka nia eskolante sira ba Jezús

<sup>18</sup>João nia eskolante sira fo hatene ba nia buat hirak ne'e. Bolu tiha nia eskolante rua, <sup>19</sup>João haruka sira ba Na'i atu husu: "Ita mak ida ne'ebé atu mai, ka ami sei hein ema seluk?" <sup>20</sup>To'o tiha ba Nia, sira ne'e dehan: "João Baptista haruka ami ba Ita atu husu: 'Ita mak ida ne'ebé atu mai, ka ami sei hein ema seluk?'" <sup>21</sup>Iha oras ne'ebá Jezús fo dau-daun isin diak ba ema barak nia moras no terus, hodi duni sai espiritu atat sira no halo matan delek barak harea. <sup>22</sup>Nia hatán ba sira: "Imi ba fali hodi hateten ba João buat ne'ebé imi haree no rona: ema matan delek sira haree, ema ain aat sira la'o, ema moras lepra sira hetan isin mos, ema tilun diuk sira rona, ema mate sira moris hi'as fali, no liafoun diak haklaken tiha ba kiak sira. <sup>23</sup>Rahun diak ba sira ne'ebé la lakon fiar iha Ha'u."

<sup>24</sup>Wainhira João nia eskolante sira ba tiha, Jezús hahu koalia ba povu kona ba João: <sup>25</sup>"Imi ba haree sa ida iha rai fuik maran? Fafulu ida ne'ebé leok iha anin? Imi ba haree sa ida? Ema ida ne'ebé hatais mesa furak? Haree ba, sira ne'ebé hatais furak no moris diak de'it hela iha ema boot sira nia uma. <sup>26</sup>Ne'e duni, imi ba haree sa ida? Profeta ida? Ne'e los; maibé Ha'u dehan ba imi katak nia boot liu fali profeta ida. <sup>27</sup>Kona ba ema ne'e hakerek tiha ona: 'Haree ba, Ha'u haruka ha'u nia manu-ain atu la'o uluk O, atu hadia dalan ba O.' <sup>28</sup>Tebes Ha'u dehan ba imi, iha feto nia oan sira leet la iha ida ne'ebé boot liu fali João; maibé ida ne'ebé kiik liu iha Maromak nia Reiu, ema ne'e boot liu fali nia." <sup>29</sup>Ema hotu ne'ebé rona João, no mos publikanu sira, hahi Maromak hodi simu nia baptismu; <sup>30</sup>maibé fariseu sira no doutor ukunfuan sira nian hewai Maromak nia hakarak hodi la simu baptismu husi nia.

<sup>31</sup>Na'i dehan tan: "Ha'u sei tanesan ema sira otas ne'e nian ho se los? Sira hanesan se los?" <sup>32</sup>Sira hanesan labarik sira ne'ebé tur hakilar ba malu iha basar, dehan: 'Ami hananu knananuk ksolok nian, maibé imi la dansa; ami hananu knananuk tanis nian, maibé imi la tanis.' <sup>33</sup>Basa João mai, la han paun, la hemu tua, no imi dehan: 'Nia iha diabu iha nia laran.' <sup>34</sup>Oan Mane mai, han hemu, no imi dehan: 'Ne'e ema kaanten no lanuten, publikanu no maksalak sira nia belun.' <sup>35</sup>Maibé matenek los hatudu an iha nia eskolante sira."

## Feto maksalak ida hetan perdua

<sup>36</sup>Fariseu ida konvida Jezús atu han hamutuk ho nia. Tama tiha iha nia uma, Nia tur iha meja. <sup>37</sup>Tuir mai, feto moris aat ida husi sidade, rona tiha katak Jezús mai han iha fariseu nia uma, mai lori botil ida ho mina morin, <sup>38</sup>ba Jezús nia kotuk no hahu fase Nia ain ho nia mataben, hodi hamaran ho nia fuuk, rei no kose ho mina morin. <sup>39</sup>Haree tiha buat ne'e, fariseu ne'ebé konvida nia hateten ba nia an: "Ema ne'e profeta ida karik, nia sei hatene feto ne'e ne'ebé kona Nia se los, katak feto aat ida." <sup>40</sup>Jezús hatán, hodi dehan ba nia: "Simão, Ha'u hakarak hato'o buat ruma ba ita." Nia dehan: "Koalia ba, Mestre." <sup>41</sup>"Loron ida ema ida impresta osan ba ema na'in rua: ida halo tusan osan mean atus lima, ida seluk lima nulu. <sup>42</sup>Tanba sira na'in rua la bele selu fali, nia kasu tiha sira nia tusan. Ida ne'ebé mak sei hadomi nia liu tan?" <sup>43</sup>Simão hatán: "Ha'u hanoin katak ida ne'ebé nia tusan boot liu." No Jezús dehan: "Ita hanoin los!" <sup>44</sup>Hafoin Nia fila oin ba feto, hodi dehan ba Simão: "Ita haree feto ne'e? Ha'u tama iha ita nia uma, ita la fase Ha'u nia ain; maibé nia fakar nia mataben ba Ha'u nia ain hodi hamaran ho nia fuuk. <sup>45</sup>Ita la rei Ha'u, maibé nia la para rei Ha'u nia ain houri horas ne'ebé Ha'u tama mai. <sup>46</sup>Ita la kose mina ba Ha'u nia ulun, maibé nia kose Ha'u nia ain ho mina morin. <sup>47</sup>Tan ne'e, Ha'u dehan ba ita katak nia hetan perdua ona husi nia sala barak, basa nia hatudu domin boot. Ema ne'ebé hetan perdua ba sala uitoan de'it, nia mos hadomi uitoan de'it." <sup>48</sup>Tuir mai, Nia dehan ba feto: "O nia sala sira hetan ona perdua." <sup>49</sup>Sira ne'ebé tur hamutuk ho Nia iha meja hahu hanoin: "Ema ne'e se los atu bele kasu ema nia sala?" <sup>50</sup>Maibé Nia dehan ba feto: "O nia fiar mak soi tiha o; la'o ba iha dame laran."

<sup>1</sup>Liu tiha ne'e, Nia la'o ba sidade no knua sira, hodi hanorin no haklaken liafoun diak kona ba Maromak nia reinu. Sira sanulu resin rua la'o hamutuk ho Nia, <sup>2</sup>no mos feto balun ne'ebé hetan diak husi moras oi-oin no husi espiritu aat sira: Maria ne'ebé ema hanaran Madalena, no husi nia diabu hitu sai tiha ona; <sup>3</sup>Joana, Herodes nia atan Cusa nia feen, Susana no feto seluk tan, ne'ebé tulun sira ho sira nia rikusoi.

## Aiknanoik fini nian

<sup>4</sup>Wainhira ema lubun boot halibur hamutuk, hodi hakbesik ba Nia husi sidade tomak, Jezús haktuir aiknanoik ida ne'e: <sup>5</sup>"Ema ida ba kari fini. Nia sei kari hela, fini balun monu iha dalam ninin, hafoin ema sama no manu sira husi lalehan mai han sira. <sup>6</sup>Fini balun monu iha fatuk leten; moris tiha, sira namlaek, basa be la iha. <sup>7</sup>Fini balun fali monu iha ai-tarak laran. Ai-tarak sira moris hamutuk ho sira, hodi hanehan sira. <sup>8</sup>Ikus mai, fini balun monu iha rai diak, hodi moris no fo fuan dala atus ida." Hateten tiha ne'e, Nia dehan ho lia maka'as: "Sira ne'ebé iha tilun, rona bal?" <sup>9</sup>Eskolante sira husu ba Nia aiknanoik ida ne'e katak sa. <sup>10</sup>Nia hatán: "Lialos kona ba Maromak nia reinu fo hatene tiha ona ba imi; maibé ba ema seluk hato'o de'it ho aiknanoik sira, atu 'hodi haree sira la haree los, no hodi rona sira la rona los.' <sup>11</sup>Ne'e duni aiknanoik ida ne'e katak: fini mak Maromak nia liafuan. <sup>12</sup>Fini ne'ebé monu iha dalam ninin mak ema sira ne'ebé, rona tiha nia, diabu mai hodi hasai liafuan husi sira nia laran atu sira la bele hetan makssoin hodi fiar. <sup>13</sup>Fini ne'ebé monu iha fatuk leten mak ema sira ne'ebé rona liafuan, hodi simu nia ho ksolok; maibé, tan abut la iha, sira fiar ba tempu uitoan de'it, hafoin husik ona iha oras susar nian. <sup>14</sup>Fini ne'ebé monu iha ai-tarak laran, ne'e mak sira ne'ebé rona, maibé hanoin oi-oin, rikusoi no ksolok mundu ne'e nian hanehan sira, la biban atu sai boot. <sup>15</sup>No fini ne'ebé monu iha rai diak, ne'e mak sira ne'ebé rona liafuan ho neon ho laran, rai di-diak nia hodi fo fuan, tan sira laran metin."

## Aiknanoik ahi-oan nian

<sup>16</sup>Ema ida la sunu ahi-oan hodi tako nia ho luhu ida, la tau nia iha tobafatin okos; maibé tau nia iha ahi-oan fatin, atu sira ne'ebé tama mai bele haree nia naroman. <sup>17</sup>Basa la iha buat ida ne'ebé subar hela, ne'ebé ema sei la haree hetan; la iha buat ida ne'ebé ema la hatene, ne'ebé ema seluk sei la fo sai.

<sup>18</sup>Ne'e duni, haree di-diak oin sa imi rona; basa ema ne'ebé iha sei simu tan, no husi ema ne'ebé la iha sei hasai tan buat ne'ebé nia hanoin nia iha."

Jezús nia parenti lo-los

<sup>19</sup>Nia inan no maun alin sira mai buka Nia, maibé sira la bele hakbesik ba Nia tanba ema lubun boot. <sup>20</sup>Sira fo hatene ba Nia: "Ita nia inan no maun alin sira hamriik iha liur hodi hakarak haree Ita." <sup>21</sup>Nia hatán ba sira: "Ha'u nia inan no maun alin mak sira ne'ebé rona hodi halo tuir Maromak nia liafuan."

Jezús halo tasi hakmatek

<sup>22</sup>Loron ida Nia sa'e ro ho nia eskolante sira. Nia dehan ba sira: "Ita hakur ba tasi sorin ba." Sira ba. <sup>23</sup>Eskolante sira hean dau-daun, Nia toba dukur. Anin boot hahu hu'u iha tasi, halo be tama iha ro. Sira tauk la diak. <sup>24</sup>Sira fanu Nia dehan: "Mestre, Ita atu mout!" Nia hader, hodi si'ak anin no tasi; sira ne'e tun, no buat hotu hakmatek. <sup>25</sup>Nia dehan ba sira: "Imi nia fiar iha ne'ebé?" Sira tauk no hakfodak, hodi dehan ba malu: "Ema ne'e se los, atu haruka anin ho be, no sira tuir Nia?"

Diabu sai husi ema ida iha rai Geresa

<sup>26</sup>Sira to'o tasi ibun iha rai Geresa, besik Galileia. <sup>27</sup>Tun tiha ba rai, mane ida, ne'ebé iha diabu iha laran, mai hasoru Nia. Kleur ona nia la hatais, la horik iha uma, maibé hela iha rate laran. <sup>28</sup>Haree tiha Jezús, nia monu ba rai iha nia oin, hodi hakilar, dehan: "Ita hakarak sa ida ho ha'u, Jezús, Maromak leten aas nia Oan? Ha'u husu ba Ita, keta fo terus mai ha'u!" <sup>29</sup>Los duni, Jezús haruka espiritu foer ne'e sai husi ema ne'e, tanba dala barak ona mak nia book ema ne'e. Ema sira kesi nia ho korente no kadeiadu atu tahan nia, maibé nia halo kotu korente no halo aat kadeiadu; no diabu lori nia ba rai fuik maran. <sup>30</sup>Jezús husu ba nia: "O naran sa?" Nia hatán: "Lubun boot," basa diabu barak tama iha nia. <sup>31</sup>Sira ne'e husu Jezús keta haruka sira atu monu ba infernu. <sup>32</sup>Iha ne'ebá, iha fahi lubun ida ne'ebé han dau-daun iha fohoh ninin. Diabu sira husu Nia atu husik sira tama ba fahi hirak ne'e. Jezús husik sira. <sup>33</sup>Diabu sira sai husi ema, hodi tama duni iha fahi sira. Fahi sira halai tun ba tasi laran hodi mouhtotu. <sup>34</sup>Haree tiha buat ne'e, sira ne'ebé hein fahi halai, lori lia ba sidade no knua sira. <sup>35</sup>Ema sira sai ba haree buat ne'ebé mosu. Sira ba hasoru Jezús, hodi hetan ema ne'ebé diabu sira sai tiha tur besik Jezús, iha ona hatais no ho oin mos ona. Sira hotu tauk. <sup>36</sup>Sira ne'ebé haree buat ne'e, haktuir ba ema seluk oin sa ema ne'e ho diabu barak iha nia laran hetan diak. <sup>37</sup>Hafoin ema hotu iha rai Geresa tauk tebebes, hodi husu Jezús atu husik sira, basa sira tauk liu. Tan ne'e, Nia sa'e ba ro atu fila fali. <sup>38</sup>Ema husi ne'ebé diabu sira sai husu Jezús atu husik nia la'o hamutuk ho Nia. <sup>39</sup>Maibé Jezús haruka nia, dehan: "Fila ba uma, hodi haktuir buat hotu ne'ebé Maromak halo tiha ba o." Ema ne'e ba duni, hodi fo sai iha sidade tomak buat hotu ne'ebé Jezús halo ba nia.

Feto moras fakar ran no Jairo nia oan feto

<sup>40</sup>Wainhira Jezús fila mai, ema lubun boot simu Nia; basa sira hotu hein Nia. <sup>41</sup>Ema ida naran Jairo, sinagoga nia ulun ida, mai hasoru Nia. Monu tiha ba Jezús nia ain, ema ne'e husu Nia atu ba nia uma, <sup>42</sup>basa nia iha oan feto mesak ne'ebé besik tinan sanulu resin rua, moras besik atu mate. Tuir dalan, ema barak hale'u hodi hanehan Nia. <sup>43</sup>Iha feto ida ne'ebé moras fakar ran tinan sanulu resin rua ona. Nia gasta nia osan tomak ba doutor sira, maibé ema ida la bele fo isin diak ba nia. <sup>44</sup>Nia mai husi kotuk, hodi kona Jezús nia unuk nia ninin. Iha oras ne'e kedas nia hetan isin diak. <sup>45</sup>Jezús dehan: "Se mak kona Ha'u?" Tan sira hotu heli lia, Pedro ho nia maluk sira dehan: "Ema lubun boot hale'u hodi dudu Ita!" <sup>46</sup>Jezús dehan teni: "Ema ida kona Ha'u. Ha'u hatene, basa kbiti sai husi Ha'u." <sup>47</sup>Haree katak nia la bele subar, feto ne'e hakbesik Jezús, nakdedar ho tauk; hafoin, monu tiha ba Nia ain, feto ne'e haktuir iha povu tomak nia oin tansa nia kona Jezús no oin sa nia hetan isin diak iha oras ne'e kedas. <sup>48</sup>Jezús dehan: "Ha'u nia oan feto, o nia fiar mak soi o. Ba ho dame!"

<sup>49</sup>Nia sei koaliala hela, ema ida to'o mai husi na'i ulun sinagogan nian nia uma, dehan: "Ita nia oan feto mate ona. Lalika hakole tan Mestre." <sup>50</sup>Maibé, rona tiha lia ne'e, Jezús dehan ba nia: "Keta tauk, fiar de'it no nia sei sai diak fali." <sup>51</sup>To'iha uma, Jezús la husik ema ida tama hamutuk ho Nia, maibé Pedro, João no Tiago de'it, hamutuk ho labarik nia aman no inan. <sup>52</sup>Sira hotu tanis hodi hakilar, maibé Jezús dehan: "Keta tanis, nia la mate, nia toba de'it."

<sup>53</sup>Sira hammnas Nia, basa sira hatene katak labarik mate ona. <sup>54</sup>Maibé Jezús kaer nia liman hodi dehan: "Labarik, hamriik ba!" <sup>55</sup>Nia klamar fila fali, nia hamriik kedas. Jezús haruka sira fo han ba nia. <sup>56</sup>Nia aman inan sira hakfodak, maibé Jezús bandu sira atu la bele fo sai ba ema ida buat ne'ebé mosu.

Jezús haruka apostolu sira

<sup>1</sup>Jezús haruka sira na'in sanulu resin rua, hodi fo kbiti ba sira atu duni sai diabu sira no halakon moras sira. <sup>2</sup>Nia haruka sira atu haklaken Maromak nia reinu, no mos atu fo isin diak ba ema moras sira. <sup>3</sup>Nia dehan ba sira: "Keta lori buat ida iha dalan: ai-tonka ka kohe, paun ka osan ka hatais tahan rua. <sup>4</sup>Ita uma naran de'it ne'ebé imi tama, hela iha ne'ebá to'o tempu ne'ebé imi atu sai. <sup>5</sup>Kona ba sira ne'ebé la simu imi, wainhira imi husik fatin ne'ebá, liki rai rahun husi imi nia ain nu'udar sinal hasoru sira." <sup>6</sup>Nune'e sira sai hodi la'o ba knua sira, haklaken evangeliu no fo isin diak ba ema moras sira iha fatin hot-hotu.

Herodes ho João

<sup>7</sup>Rona tiha kona ba buat ne'e hotu, liurai Herodes hakfodak, basa ema balun dehan katak João moris hi'as ona husi mate; <sup>8</sup>ema seluk dehan katak Elias mosu fali, ema seluk tan dehan katak profeta uluk sira ida moris hi'as fali. <sup>9</sup>Maibé Herodes dehan: "Ha'u tesi tiha ona João nia ulun. Ne'e duni, ema ne'e se los, ne'ebé kona ba nia ha'u rona buat hirak ne'e?" No nia buka namanas atu haree Nia.

Jezús fo han ba ema lubun boot

<sup>10</sup>Wainhira apostolu sira fila fali, sira haktuir buat hotu ne'ebé sira halo. Jezús lori sira hamutuk ho Nia ba rai ida naran Betsaida, atu hela mesamas. <sup>11</sup>Maibé wainhira ema barak hatene buat ne'e, sira ba tuir Nia. Jezús simu sira hodi koaliala ba sira kona ba Maromak nia reinu. Hafoin Nia fo isin diak ba sira ne'ebé moras. <sup>12</sup>Loron monu dau-daun ona. Sira sanulu resin rua hakbesik hodi dehan ba Nia: "Ita haruka ema lubun ne'e ba knua no ba uma sira ne'ebé besik atu buka aihau no fatin atu toba, basa rai ne'e mesa fuik." <sup>13</sup>Maibé Nia dehan ba sira: "Imi rasik mak fo han ba sira." Sira hatán: "Ami iha de'it paun fuan lima no ikan oan rua; ami ba sosa karik aihau ba povu ne'e tomak mak bele sai los." <sup>14</sup>Mane sira de'it besik rihun lima ona. Jezús hateten ba nia eskolante sira: "Imi haruka sira tur hamutuk tiha, lima nulu lima nulu hamutuk." <sup>15</sup>Sira halo nune'e, hodi haruka sira hotu tur tiha. <sup>16</sup>Jezús kaer paun fuan lima no ikan ria ne'e, foti matan ba lalehan, haraik bensa, silu hodi fo ba eskolante sira atu fahe ba ema lubun ne'e. <sup>17</sup>Sira hotu han to'o bosu. Tuir mai, sira halibur hamutuk baluk oan sira ne'ebé resin, hodi hakonu luhu sanulu resin rua.

Pedro nia fiar

<sup>18</sup>Loron ida, wainhira Nia harohan mesa-mesak ho nia eskolante sira de'it, Jezús husu ba sira: <sup>19</sup>"Ema dehan Ha'u se los?" Eskolante sira hatán: "João Baptista; balun dehan, Elias; balun fali dehan, profeta ida uluk nian mak moris hi'as." <sup>20</sup>Jezús husu ba sira: "Imi rasik dehan Ha'u se loos?" Simão Pedro simu hodi dehan: "Ita Maromak-Nia Messias." <sup>21</sup>Nia bandu sira atu la bele fó sai buat ne'e ba ema ida, <sup>22</sup>dehan: "Oan Mane sei terus barak: katusa sira no eskriba sira sei hakribi Nia, hodi oho Nia; liu tiha loron tolu, Nia sei moris-hi'as."

Liafuan ida ba sira ne'ebé hakarak tuir Jezús

<sup>23</sup>Jezús dehan ba sira hotu: "Ema ruma hakarak tuir Ha'u karik, nia sei husik nia an rasik, simu nia krus loron loron nian hodi tuir Ha'u." <sup>24</sup>Basa ema ne'ebé hakarak soi nia moris, sei lakon moris ne'e; maibé ema ne'ebé lakon nia moris tanba Ha'u, sei soi nia moris. <sup>25</sup>Ema manan sa ida wainhira nia manan mundu tomak, maibé lakon nia klamar? <sup>26</sup>Ema ruma moe karik kona ba ha'u no ha'u nia hanorin, Oan Mane mos sei moe kona ba nia wainhira Nia sei mai iha nia gloria no iha gloria Aman no anju santu sira nian. <sup>27</sup>Tebes, Ha'u dehan ba imi: imi ne'ebé hamriik iha ne'e, balun sei la mate molok sira haree Maromak nia reinu."

## Jezús nakfila an

<sup>28</sup>Loron ualu liu tiha Nia koalia liafuan hirak ne'e, Jezús lori Pedro, João no Tiago hamutuk no Nia, hodi sa'e ba foho ida atu harohan. <sup>29</sup>Nia sei harohan hela, nia oin nakfila an; nia unuk nabilan teb-tebes. <sup>30</sup>Teki-teki mane na'i rua mosu mai, koalia ho Nia: sira mak Moises no Elias, <sup>31</sup>he'ebé mosu ho kmanek wa'in; sira koalia kona ba mate ne'ebé Nia sei hetan iha Jerusalem. <sup>32</sup>Pedro ho nia maluk sira matan dukur liu; maibé, hader tiha, sira haree nia gloria no mos mane na'in rua ne'ebé hela ho Nia. <sup>33</sup>Wainhira na'in rua ne'e sai dau-daun, Pedro dehan ba Jezús: "Mestre, diak tebes katak ita iha ne'e; husik ami halo taka balun tolu: ida ba Ita, ida ba Moises no ida ba Elias." Nia la hatene buat ne'ebé nia hateten. <sup>34</sup>Nia sei koalia hela, kalohan ida mosu mai hodi falun sira. Wainhira sira tama iha kalohan laran, sira tauk. <sup>35</sup>Husi kalohan, lia ida dehan: "Ida ne'e mak ha'u nia Oan doben; imi rona Nia ba!" <sup>36</sup>Lia ne'e koalia tiha, Jezús hela mesak. Eskolante sira nonok no iha loron hirak ne'ebé sira la dehan ba ema ida buat ne'ebé sira haree.

## Labarik ne'ebé moras bibi-mate

<sup>37</sup>Liu tiha loron ida, wainhira sira tun tiha husi foho, ema lubun boot ba hasoru sira. <sup>38</sup>Teki-teki, husi sira leet ema ida hakilar: "Mestre, ha'u husu ba Ita atu haree ha'u nia oan mane: nia mak ha'u nia oan mesak. <sup>39</sup>Espiritu aat ida tama iha nia, hakilar fila fila hodi doko nia maka'as, halo nia ibun nakfurin; no la husik nia, hodi halo nia kbiit laek. <sup>40</sup>Ha'u husu ona Ita nia eskolante sira atu duni sai nia, maibé sira la bele." <sup>41</sup>Jezús simu, dehan: "Ema laran aat no fiar laek! To'o wainhira Ha'u sei hela hamutuk ho imi, hodi tahan imi? Lori o nia oan mai!" <sup>42</sup>Wainhira labarik hakbesik, diabu soe nia ba rai hodi doko nia. Maibé Jezús si'ak espiritu aat ne'e, fo isin diak ba labarik, hodi fo fali nia ba nia aman.

## Jezús koalia ba dala rua kona ba nia mate

<sup>43</sup>Ema hotu hakfodak ho Maromak nia kmanek. Maibé wainhira povu sira hakfodak ho buat ne'ebé Jezús halo tiha, Nia dehan ba nia eskolante sira: <sup>44</sup>"Rona di-diak liafuan hirak ne'e: sira sei saran Oan Mane ba ema sira liman." <sup>45</sup>Maibé sira la komprende lia ne'e katak sa, hanesan buat ida taka metin sira neon; no sira tauk atu husu kona ba buat ne'e.

## Se mak boot liu

<sup>46</sup>Tuir mai sira hahu haksesuk malu kona ba se mak boot liu. <sup>47</sup>Hatene tiha sira nia hanoin, Jezús kaer labarik ida, tau nia iha Nia sorin, <sup>48</sup>hodi dehan ba sira: "Ema ne'ebé simu labarik ne'e iha Ha'u nia naran, simu Ha'u; no ema ne'ebé simu Ha'u, nia simu Ida ne'ebé haruka Ha'u mai. Basa ida ne'ebé kiik liu iha imi nia leet, nia mak boot liu."

<sup>49</sup>João hahu koalia, dehan: "Mestre, ami haree ema ida ne'ebé duni sai diabu iha Ita nia naran maibé ami bandu nia, basa nia la tuir Ita." <sup>50</sup>Maibé, Jezús hateten ba nia: "Imi keta bandu nia, basa ema ne'ebé la hasoru imi, nia hamutuk ho imi."

## Samaritanu sira la simu Jezús

<sup>51</sup>Wainhira tempu atu husik rai ne'e besik dau-daun ona, Jezús, hodi hakarak, hahu la'o ba Jerusalem. <sup>52</sup>Nia haruka manu-ain sira atu ba uluk. Sira ne'e la'o ba, hodi tama iha ema Samaria sira nia knua ida, atu hadia fatin ba Nia. <sup>53</sup>Maibé sira la simu Nia basa Nia sa'e ba Jerusalem. <sup>54</sup>Haree tiha ne'e, eskolante sira, Tiago no João, dehan ba Nia: "Na'i, Ita hakarak ami hamulak atu ahi tun husi lalehan, hodi han sira?" <sup>55</sup>Maibé Nia fila oin hodi si'ak sira. <sup>56</sup>Tuir mai, sira la'o fali ba knua seluk.

## Susar atu tuir Jezús

<sup>57</sup>Tuir dalan ema ida dehan ba Nia: "Ha'u sei la'o tuir Ita ba fatin hotu!" <sup>58</sup>Jezús hatán ba nia, "Asu fuik iha luhan, manu sira iha lalehan iha knuu; maibé Oan Mane la iha fatin atu hatoba nia ulun." <sup>59</sup>Ba ida seluk Nia dehan: "O Tuir Ha'u mail!" Maibé ema ne'e simu: "Na'i, husik ha'u ba hakoi lai ha'u nia aman." <sup>60</sup>Jezús hatán ba nia: "Husik matebian sira hakoi matebian sira; maibé o fali, ba hodi haklaken Maromak nia reinu." <sup>61</sup>Ema seluk dehan, "Ha'u sei tuir Ita, Na'i; maibé husik ha'u despede lai ho sira ne'ebé iha ha'u nia uma laran." <sup>62</sup>Jezús hatán ba nia, "Ema ne'ebé tau ona liman ba sarua, hafoin fila oin ba kotuk, nia la soi ba Maromak nia reinu."

10

## Jezús haruka eskolante na'in hitu nulu resin rua

<sup>1</sup>Tuir mai, Nia fihir eskolante hitu nulu resin rua, hodi haruka sira rua rua atu ba uluk iha sidade no fatin sira ne'ebé Nia atu ba. <sup>2</sup>Nia dehan ba sira: "To'os boot duni, maibé serbisu na'in sira uitoan de'it. Tan ne'e, imi husu ba to'os na'in atu haruka serbisu na'in sira ba nia to'os. <sup>3</sup>Imi la'o ba. Ha'u haruka imi ba nu'udar bibi oan sira iha asu fuik sira leet. <sup>4</sup>Keta lori bukae, koeh ehl sandalias. Keta kumprimenta ema ida iha dalan. <sup>5</sup>Imi tama karik iha uma ida, uluk knanain imi dehan: 'Dame dame una ne'e!' <sup>6</sup>Iha karik ema dame na'in ida iha ne'ebá, imi nia dame sei horik ho nia; lae karik, sei fila fali ba imi. <sup>7</sup>Imi hela iha uma ne'ebá, han hemu buat ne'ebé sira iha; basa serbisu na'in soi atu simu nia kolen. Keta tama uma sai uma sira. <sup>8</sup>Imi tama iha sidade ida no sira simu imi karik, imi han buat ne'ebé sira fo ba imi. <sup>9</sup>Fó isin diak ba ema moras sira iha ne'ebá, hodi hateten ba sira: "Maromak-Nia reinu besik ona imi" <sup>10</sup>Maibé imi tama iha sidade ida no sira la simu imi karik, imi sai ba luron sira hodi dehan: <sup>11</sup>'Rai rahun mos husi imi-nia sidade, ne'ebé belit ba ami nia ain, ami liki tiha ba imi! Maibé imi hanoin hela ba katak Maromak nia reinu ona.' <sup>12</sup>Ha'u dehan tebes ba imi katak aban bainrua Sodoma sei la hetan susar hanesan sidade ne'e."

<sup>13</sup>Rahun aat ba o, Korosain! Rahun aat ba o, Betsaida! Basa, milagre sira ne'ebé halo tiha iha o halo karik iha Tiro no Sidon, kleur ona mak sira hakribi sira nia sala hodi hataais karon no tur iha ahi kdesan leten. <sup>14</sup>Maibé iha loron tesia lia nian, Tiro no Sidon sei la hetan susar hanesan imi. <sup>15</sup>O mos, Kafarnaum, hakarak foti an to'o lalehan? Ema sei hamonu o to'o inferno!"

<sup>16</sup>"Ema ne'ebé rona imi rona Ha'u, no ema ne'ebé hakribi imi hakribi Ha'u; maibé ema ne'ebé hakribi Ha'u, hakribi Ida ne'ebé haruka Ha'u mai."

<sup>17</sup>Sira hitu nulu resin rua ne'e fila fali hodi haksolok, dehan: "Na'i, diabu sira mós tuir ami hodi Ita-Nia naran." <sup>18</sup>Nia hatán ba sira: "Ha'u foin haree Satanas monu husi lalehan hanesan rai lakan. <sup>19</sup>Loos duni, Ha'u haraik tiha kbiit ba imi atu sama samea no sakunar sira, hodi manan hasoru funubalan-nia kbiit tomak; la iha buat ida ne'ebé bele halo aat imi. <sup>20</sup>Maski nune'e, keta haksolok tanba espiritu sira tuir imi; haksolok de'it tanba imi nia naran hakerek tiha ona iha lalehan."

## Jezús nia ksolok

<sup>21</sup>Iha oras ne'ebé Nia haksolok teb-tebes ho Espiritu Santo, dehan: "Ha'u hanai Ita, Aman, basa Ita subar tiha buat sira ne'e husi ema matenek sira hodi fo hatene fali ba sira ne'ebé kiik. Los duni, Aman, Ita hakarak nune'e. <sup>22</sup>Ha'u nia Aman saran tiha buat hotu mai Ha'u. Ema ida la hatene se mak Oan, Aman de'it mak hatene; no ema ida la hatene se mak Aman, Oan de'it mak hatene, no ida ne'ebé Oan hakarak fo hatene ba nia." <sup>23</sup>Hafoin, fila oin ba nia eskolante sira, Nia dehan: "Rahun diak ba sira ne'ebé haree buat ne'ebé imi haree. <sup>24</sup>Basa Ha'u dehan ba imi katak profeta no liurai sira uluk nian hakarak haree buat ne'ebé imi haree, maibé sira la haree; no rona buat ne'ebé imi rona, maibé sira la rona."

## Aiknanoik kona ba Samaritanu diak

<sup>25</sup>Tuir mai, doutor ukunfuan nian ida hamriik hodi dehan atu koko Nia: "Mestre, ha'u sei halo sa ida atu hetan moris rohan laek?" <sup>26</sup>Jezús dehan ba nia: "Iha ukunfuan hakerek sa ida? Ita lee oin sa?" <sup>27</sup>Nia hatán: "O sei hadomi Na'i, o nia Maromak, ho neon ho laran tomak, ho o nia kbiit tomak, ho o nia hanoin tomak; no mos o nia maluk nu'udar o nia an rasik." <sup>28</sup>No Jezús dehan ba nia: "Ita hatán los; halo nune'e, ita sei hetan moris." <sup>29</sup>Maibé, tan nia hakarak souri an, nia dehan ba Jezús: "Maibé, se mak ha'u nia maluk?" <sup>30</sup>Jezús hatán hodi dehan: "Ema ida tun husi Jerusalem ba Jeriko. Nia monu iha na'okten sira

nia liman. Sira hadau nia sasan sira hodi baku tasak nia; hafoin sira halai, hodi husik hela nia besik atu mate. <sup>31</sup>Am'lulik ida liu husi ne'ebá; haree tiha ema ne'e, nia liu ba oin de'it. <sup>32</sup>Nune'e mos levita ida ne'ebé liu husi ne'ebá: haree tiha ema ne'e, nia liu ba oin. <sup>33</sup>Maibé, wainhira Samaritanu ida liu husi ne'ebá, haree tiha ema ne'e, nia hanoin nia teb-tebes. <sup>34</sup>Nia hakbesik, tau mina ho tua ba nia kanek sira hodi falun sira, hafoin foti ema ne'e ba nia kuda rasik no lori nia ba uma ida hodi bali nia. <sup>35</sup>Liu tiha loron ida nia hasai osan rua, hodi fo ba uma na'in, dehan: 'Haree nia di-diak, no buat ne'ebé ita gasta ha'u sei selu wainhira ha'u sei fila mai.' <sup>36</sup>Tuir ita nia hanoin, sira na'in tolu ne'e, ida ne'ebé mak maluk ba ema ne'ebé monu iha na'okten sira nia liman?" <sup>37</sup>Nia hatán: "Ida ne'ebé hatudu laran luak ba nia." No Jezús hateten ba nia: "Ba, hodi halo mos nune'e."

#### Marta no Maria

<sup>38</sup>Tuir dalan, Jezús to'o knua ida. Feto ida naran Marta simu Nia iha nia uma. <sup>39</sup>Marta iha feton ida naran Maria, ne'ebé tur de'it iha Jezús nia ain hodi rona Nia koalia. <sup>40</sup>Marta fali, ne'ebé la'o ba la'o mai atu serbi sira, hakbesik hodi dehan: "Na'i, Ita la haree katak ha'u nia alin husik ha'u serbisu mesamesak? Dehan to'ok ba nia atu tulun ha'u." <sup>41</sup>Na'i hatán ba nia: "Marta, Marta, o la'o kole hodi hanoin resin kona ba buat barak; maibé buat ida de'it mak folin los. <sup>42</sup>Maria hili buat ne'ebé diak liu hotu, ne'ebé ema ida sei la hadau husi nia."

#### Jezús hanorin atu hamulak

<sup>1</sup>Loron ida, Nia harohan iha fatin ida. Hotu tiha, nia eskolante ida hateten ba Nia: "Na'i, hanorin ami harohan hanesan João Baptista hanorin nia eskolante sira." <sup>2</sup>Nia dehan ba sira: "Wainhira imi harohan, hateten nune'e: 'Aman, tulun ema atu hahi Ita naran. Halo Ita nia reini to'o mai ami. <sup>3</sup>Haraik aihian loron-loron nian mai ami. <sup>4</sup>Haraik perdua mai ami sala, nu'udar ami perdua ema ne'ebé halo atu ami. Label husik ami monu ba babeur.'" <sup>5</sup>Nia dehan tan ba sira: "Imi ida iha karik belun ida ne'ebé iha kalan boot ba hateten ba nia: <sup>6</sup>'Belun, fo netik paun fuan tolu mai, basa ha'u nia belun fo in to'o mai husi dook no ha'u la iha buat ida atu fo ba nia.' <sup>7</sup>Belun ne'e bele hatán husi uma laran: 'Keta hasusar ha'u! Odamatana taka metin ona. Ha'u ho ha'u nia oan sira toba tiha ona. Ha'u la bele hader atu fo buat ruma ba o.' <sup>8</sup>Ha'u dehan ba imi katak, maski nia sei la hader hodi fo tanba sira belun malu, nia sei fo duni buat hotu ne'ebé nia belun kuran tanba nia husu fila fila. <sup>9</sup>Ne'e duni, Ha'u dehan ba imi: husu ba, imi sei simu; buka ba, imi sei hetan; tuku odamatana ba, odamatana sei nakloke ba imi. <sup>10</sup>Basa ema hotu ne'ebé husu, sei simu; ema ne'ebé buka sei hetan; no odamatana sei nakloke ba ema ne'ebé tuku. <sup>11</sup>Iha imi leet, aman ida ne'ebé sei fo fatuk ida wainhira nia oan husu paun? Eh sei fo samea ida wainhira nia husu ikan? <sup>12</sup>Eh sei fo sakunar ida wainhira nia husu mantolu? <sup>13</sup>Ne'e duni, imi hatene fo buat diak ba imi nia oan sira, maski imi ema aat, imi nia Aman iha lalehan sei haraik liu tan Espíritu Santu ba sira ne'ebé husu ba Nia."

#### Fariseu sira duu matak Jezús

<sup>14</sup>Jezús duni sai dau-daun diabu ida ne'ebé monok. Wainhira diabu sai tiha, ema monok koalia hodi halo povu tomak hakfodak. <sup>15</sup>Maibé balun dehan: "Nia duni sai diabu hodi Beelzebu, diabu sira nia ulun nia naran." <sup>16</sup>Balun fali husu ba Nia sinal ida husi lalehan, atu koko Nia. <sup>17</sup>Maibé, hatene tiha sira nia hanoin, Nia dehan ba sira: "Reinu hotu ne'ebé haketak malu sei sobu rahun, uma ida sei monu iha uma seluk nia leten. <sup>18</sup>Nune'e mos, Satanas fahe karik nia an ba rua, oin sa nia bele tahan? Basa imi dehan katak hodi Beelzebu mak. Ha'u duni sai diabu sira hodi Beelzebu nia naran karik, hodi se nia naran mak imi nia oan sira duni sai sira? Tan ne'e mak sira sei tesia ba imi. <sup>20</sup>Maibé Ha'u duni sai diabu sira hodi Maromak nia liafuan karik, ne'e dehan katak Maromak nia reinu to'o ona ba imi. <sup>21</sup>Wainhira ema maka'as ida ho kroat hein nia uma boot, nia rikuso hela metin; <sup>22</sup>maibé wainhira ema ida maka'as liu nia mosu karik hodi manan nia, ema ne'e hadau nia kroat ne'ebé fo laran metin ba nia, hodi fahne nia sasan tomak. <sup>23</sup>Ida ne'ebé la hamutuk ho Ha'u, nia hasoru Ha'u; no ida ne'ebé la halibur ho Ha'u, nia sei namkari. <sup>24</sup>Wainhira espiritu foer ida sai husi ema ida, nia la'o lemo rai fuik maran hodi buka hakmatek. La hetan tiha, nia dehan: 'Ha'u sei fila fali ba uma ne'ebé ha'u hela uluk.' <sup>25</sup>To'o tiha ne'ebé, nia hetan fatin ne'e saar mos tiha no furak. <sup>26</sup>Hafoin nia ba lori tan espiritu na'in hitu ne'ebé atu liu fali nia; sira ne'e tama, hodi horik iha ne'ebá. Ikus mai ema ne'e sai atu liu fali uluk nian."

#### Rahun diak lo-los

<sup>27</sup>Nia sei koalia hela, feto ida husi ema lubun sira leet foti lia, dehan: "Rahun diak ba knotak ne'ebé ko'us Ita, no hirus matan ne'ebé fo susuben ba Ita!" <sup>28</sup>Maibé Nia hatán: "Rahun diak liu fali ba sira ne'ebé rona Maromak futar lia hodi halo tuir nia!"

#### Jonas nia sinal

<sup>29</sup>Wainhira ema sira sai wa'in liu tan, Nia dehan: "Ema sira otas ne'e nian aat duni; sira husu sinal ida, maibé sinal mesak ne'ebé sei fo ba sira mak sinal Jonas nian. <sup>30</sup>Basa, hanesan Jonas sai sinal ida ba ema rai Ninive, nune'e mos Oan Mane sei sai sinal ida ba ema sira husi otas ne'e. <sup>31</sup>Iha loron tesia lia nian liurai feto tasimane nian sei hamriik hasoru ema sira ne'e hodi tesia lia todan ba sira; basa nia mai husi mundu nia rohan atu rona Salomao nia matenek, no iha ne'e iha Ida ne'ebé boot liu fali Salomao. <sup>32</sup>Iha loron tesia lia nian Ninive nia oan sira sei hamriik hasoru ema sira ne'e, hodi tesia lia todan ba sira; basa wainhira Jonas haklaken Maromak nia liafuan, sira hakribi sira nia sala, maibé iha ne'e iha Ida ne'ebé boot liu fali Jonas."

#### Aiknanoik kona ba ahi-oan

<sup>33</sup><sup>4</sup>Ema ida la sunu lakan ahi-oan atu tau nia iha uma okos, eh iha balde nia okos, maibé atu tau iha nia fatin, atu sira ne'ebé tama bele haree nia naroman. <sup>34</sup>O nia isin nia ahi-oan mak o nia matan. O nia matan mos karik, o nia isin tomak iha naroman; maibé o nia matan moras karik, o nia isin tomak iha nakukun laran. <sup>35</sup>Ne'e duni, haree ba atu o nia naroman la sai nakukun. <sup>36</sup>O nia isin tomak hetan karik naroman no la iha nakukun iha nia, isin tomak ne'e sei nabilan, hanesan ahi-oan ne'ebé leno o ho nia naroman."

#### Hasoru fariseu sira

<sup>37</sup>Jezús sei koalia hela, fariseu ida konvida Nia atu han iha nia uma. Nia tama hodi tur iha meja. <sup>38</sup>Fariseu hakfodak, basa Nia la fase an molok atu han. <sup>39</sup>Na'i dehan ba nia: "Imi fariseu sira hamos kopu no bikan nia liur, maibé imi nia laran mesa karakten no aat. <sup>40</sup>Beikten sira! Ida ne'ebé halo buat ne'ebé iha liur, la halo mos buat ne'ebé iha laran? <sup>41</sup>Imi fo esmola husi imi nia rikuso, no buat hotu sei sai mos ba imi. <sup>42</sup>Maibé rahun aat ba imi, fariseu sira, ne'ebé selu impostu ruku nian, salsa no modo tomak nian, maibé haluha justisa no domin ba Maromak! Imi sei halo duni buat ne'e, maibé keta haluha buat seluk. <sup>43</sup>Rahun aat ba imi, fariseu sira, ne'ebé gosta tur iha fatin uluk iha sinagoga no haksolok wainhira ema kumprimenta imi iha basar. <sup>44</sup>Rahun aat ba imi, basa imi hanesan rate sira ne'ebé ema la haree no ema sama tanba sira la hatene!"

<sup>45</sup>Doutor ukunfuan nian ida simu hodi dehan: "Mestre, wainhira Ita koalia hanesan ne'e, Ita hateten aat mos ami." <sup>46</sup>Nia hatán: "Rahun aat mos ba imi, doutor ukunfuan sira nian, basa imi tau naha todan liu ba ema, maibé imi rasik la book liman fuan ida atu foti nia. <sup>47</sup>Rahun aat ba imi ne'ebé hada rate profeta sira nian: imi nia bei-ala sira mak oho sira! <sup>48</sup>Nune'e imi fo sasin, hodi hakarak mos imi nia bei-ala sira nia halahok sira; basa sira mak oho, imi mak hada rate. <sup>49</sup>Tan ne'e Maromak nia matenek dehan: 'Ha'u sei haruka profeta no apostolu sira; balun sira sei duni sai no oho,' <sup>50</sup>atu ema otas ne'e nian sei hatán kona ba profeta sira hotu nia ran, ne'ebé nakfakar houri mundu hahu, <sup>51</sup>husi Abel nia ran to'o Zacarias nian, ne'ebé ema oho iha altar no santuariu nia klaran. Tebes, Ha'u dehan ba imi, ema sira ne'e sei hatán kona ba buat hirak ne'e hotu. <sup>52</sup>Rahun aat ba imi, doutor ukunfuan sira nian, ne'ebé hadau tiha siabe matenek nian! Imi rasik la tama, no imi taku netik dalam ba sira ne'ebé hakarak tama."

<sup>53</sup>Wainhira Nia sai husi ne'ebá, eskriba no fariseu sira hahu haksesuk maka'as ho Nia, hodi koko halo Nia koalia kona ba buat barak. <sup>54</sup>Sira buka atu halo Nia sidi ho nia liafuan atu nune'e bele duu Nia.

## Jezús hanorin aten berani

<sup>1</sup>Tuir mai, wainhira ema lubun boot teb-tebes halibur an hamutuk to'o sira hanehan malu, Jezús hahu koalia ba nia eskolante sira, dehan: "Imi matan moris ba kona ba fariseu nia fermentu, katak sira nia laran makerek. <sup>2</sup>Buat hotu ne'ebé taka hela, sei nakloke; no buat hotu ne'ebé subar hela, sei fo hatene. <sup>3</sup>Tan ne'e, buat ne'ebé imi dehan iha nakukun laran, ema sei rona iha loron nabilan; no buat hotu ne'ebé imi hateten nei-neik iha subar fatin, ema sei fo sai maka'as iha uma nia kakuluk. <sup>4</sup>Ha'u nia belun sira, Ha'u dehan ba imi: keta tauk sira ne'ebé oho isin, hafoin la bele halo buat ida tan. <sup>5</sup>Ha'u sei dehan ba imi se los mak imi ten ke tauk: imi sei tauk ida ne'ebé, oho tiha isin, iha mos kbiit atu soe ema ba infernu. Ha'u dehan ba imi, ema ne'e mak imi ten ke tauk. <sup>6</sup>Ema la faan manulin lima ho osan rua? Maibé Maromak la haluha sira ne'e ida mos. <sup>7</sup>Fuuk lahan husi imi nia ulun sura tiha hotu; ne'e duni, imi keta tauk, basa imi folin liu manulin barak. <sup>8</sup>Ha'u dehan los ba imi katak ema ne'ebé hatene Ha'u iha ema nia oin, Oan Mane mos sei hatene nia iha Maromak nia anju sira nia oin. <sup>9</sup>Maibé ema ne'ebé heli lia kona ba Ha'u iha ema nia oin, Maromak nia anju sira mos sei heli lia kona ba nia. <sup>10</sup>Ema ne'ebé koalia aat hasoru Oan Mane, sei hetan perdua; maibé ema ne'ebé hateten aat Espiritu Santu sei la hetan perdua. <sup>11</sup>Wainhira sira lori imi ba sinagoga sira, ba tesi lia na'in no ba na'i ulun sira, keta hanoin resin kona ba oin sa imi sei hatán eh koalia, <sup>12</sup>basa iha oras ne'ebá Espiritu Santu sei hanorin imi buat ne'ebé imi sei dehan."

## Keta hanoin resin rikusoi

<sup>13</sup>Husi ema lubun boot, ema ida dehan ba Nia: "Mestre, hateten ba ha'u nia maun atu fahe ami nia liman rohan." <sup>14</sup>Nia hatán: "Belun, se mak foti Ha'u atu tesi lia kona ba imi?" <sup>15</sup>Hafoin Nia dehan ba sira: "Imi harea ba, keta kaan rikusoi, basa, la'os ema nia rikusoi mak halo ema moris liu." <sup>16</sup>Tuir mai, Nia haktur ba sira aiknanoik ida ne'e: "Ema riku ida hetan aihuan barak husi nia to'os." <sup>17</sup>Nia hanoin hodi dehan ba nia an: "Ha'u sei halo sa los? Basa ha'u fatin la iha atu rai ha'u nia aihuan sira." <sup>18</sup>Hafoin nia dehan: "Ha'u sei halo nune'e: ha'u sei sobu ha'u nia aihuan fatin hodi harri ida seluk boot liu fali ida ne'e; iha ne'ebá ha'u sei rai ai-fuan hotu to'os nian ho ha'u nia rikusoi tomak. <sup>19</sup>No ha'u sei dehan ba ha'u nia klamar: 'Ha'u klamar, o iha sasan barak ne'ebé rai hela ba tinan wa'in; hakmatek ba, han hemu hodi haksolok ba.' <sup>20</sup>Maibé Maromak dehan ba nia: 'Beikten! Iha kalan ne'e kedas Ha'u sei bolu o nia klamar; sasan sira ne'ebé o rai hela sei sai se nian?' <sup>21</sup>Nume'e mos sei mosu ba ema ne'ebé rai hela rikusoi ba nia an, maibé la sai riku iha Maromak nia oin."

## Laran metin ba Maromak

<sup>22</sup>Tuir mai Nia dehan ba nia eskolante sira: "Tan ne'e mak Ha'u dehan ba imi: keta hanoin resin kona ba imi nia moris, no buat ne'ebé imi sei han, eh kona ba imi nia isin no oin sa imi sei hatais. <sup>23</sup>Basa moris folin liu fali aihuan, no isin folin liu fali hatais. <sup>24</sup>Haree ba manu lakateu sira: sira la kuda eh sohi, sira uma la iha atu rai aihuan, no Maromak fo han sira. Maibé imi folin boot liu fali manu sira! <sup>25</sup>Imi ida ne'ebé, hodi hanoin resin, bele halo nia moris naruk liu? <sup>26</sup>Ne'e duni, imi la bele halo buat ne'ebé kiik liu karik, tan sa imi hanoin resin kona ba buat seluk? <sup>27</sup>Hanoik ba, oin sa ai-funan sira sai boot: sira la serbisu, sira mos la soru; maibé ha'u dehan ba imi katak Salomon mos, ho nia gloria tomak, la hatais hanesan sira ne'e ida. <sup>28</sup>Ne'e duni, Maromak ne'ebé fo hatais ba du'ut ne'ebé ohin buras iha to'os laran no aban ema soe ba ahi, Nia sei hanoin liu tan imi, ema fier kiik! <sup>29</sup>Imi keta hanoin resin kona ba buat ne'ebé imi sei han ka hemu, keta laran susar; <sup>30</sup>basa gentiu sira mak buka buat hirak ne'e hotu. Maibé imi nia Aman hatene katak imi kuran sasan hirak ne'e. <sup>31</sup>Imi buka uluk knanain Maromak nia reinu, no buat seluk sei haraik mos ba imi."

<sup>32</sup>"Bibi oan sira, keta tauk, basa imi nia Aman hakarak haraik reinu ba imi. <sup>33</sup>Faan imi nia rikusoi hodi fahe nu'udar esmola. Imi halo kohe sira ne'ebé la lakon, rikusoi ne'ebé la mohu iha lalehan, iha ne'ebé na'okten la bele hakbesik no ular la bele han. <sup>34</sup>Basa iha fatin ne'ebé imi haloot imi nia rikusoi, iha ne'ebá mos imi nia fuan sei hela ba."

## Neon moris hodi hein Na'i

<sup>35</sup>"Kesi metin imi nia futukabun. Halo imi nia ahi-oan lakan nafatin. <sup>36</sup>Halo an hanesan ema sira ne'ebé hein sira nia na'in wainhira nia mai husi festa kaben nian, atu loke kadas odamatan iha oras ne'ebé nia to'o mai hodi tuku odamatan. <sup>37</sup>Rahun diak ba atan sira ne'ebé Na'i hetan hader hela wainhira nia to'o. Tebes, Ha'u dehan ba imi katak, nia sei kesi hena ba nia knotak, sei halo sira tur iha meja, hafoin Nia sei liu husi sira leet hodi serbi sira. <sup>38</sup>Nia to'o mai karik iha ronda rya ka tolu, hodi hetan sira nune'e, rahun diak ba sira. <sup>39</sup>Imi rona di-diak ba: uma na'in hatene karik tuku hira mak na'okten atu mai, nia sei la husik nia tama iha nia uma. <sup>40</sup>Imi hein hela ba, basa iha oras ne'ebé imi la hanoin kona, Oan Mane sei hiit an mai."

<sup>41</sup>Pedro dehan ba Nia: "Na'i, Ita haktur aiknanoik ida ne'e ba ame de'it, ka ba ema hot-hot?" <sup>42</sup>Jezús simu: "Se mak atan diak no matenek ne'ebé uma na'in haruka atu haree nia familia hodi fahe aihuan ba sira tuir oras lo-lo?" <sup>43</sup>Rahun diak ba atan ne'ebé nia na'in hetan halo nune'e wainhira nia to'o mai. <sup>44</sup>Tebes, ha'u dehan ba imi katak nia sei fo knaar ba atan ne'e atu haree nia rikusoi tomak. <sup>45</sup>Maibé atan ne'e dehan karik ba nia an: 'Ha'u nia na'i kleur atu to'o mai,' hafoin hahu baku atan mane no feto sira, hodi han no hemu to'o lanu, <sup>46</sup>nia na'i sei to'o mai iha oras ne'ebé nia la hanoin, na'i sei haketak nia, hodi tau nia hamutuk ho ema aat sira. <sup>47</sup>Atan ne'ebé hatene nia na'i nia hakarak, maibé la hadia an hodi halo tuir buat ne'ebé nia husu, sei hetan kastigu boot. <sup>48</sup>Maibé atan ne'ebé la hatene, no halo buat ne'ebé soi kastigu, sei hetan kastigu kiik de'it. Ba ema ne'ebé simu barak, sei husu mos barak; no ema ne'ebé simu knaar boot, sei hatán mos kona ba buat boot."

## Tan Jezús, ema sei haketak malu

<sup>49</sup>"Ha'u mai atu lori ahi ba raiklaran, no Ha'u hakarak teb-tebes ahi ne'e lakan duni. <sup>50</sup>Ha'u sei simu baptismu ida, no Ha'u sei la hakmatek to'o buat ne'e mosu. <sup>51</sup>Imi hanoin katak Ha'u mai atu lori dame ba raiklaran? Ha'u dehan ba imi katak lae; maibé atu halo ema haketak malu. <sup>52</sup>Basa, houri ohin ba oin, ema na'in lima iha uma laran, sira lia sei la tuir malu: na'in tolu hasoru na'in rua, na'in rua hasoru na'in tolu; <sup>53</sup>aman hasoru oan mane, oan mane hasoru aman; inan hasoru oan feto, oan feto hasoru inan; banin feto hasoru feto foun, feto foun hasoru banin feto."

## Sinal sira otas nian

<sup>54</sup>Nia dehan tan ba ema lubun boot: "Wainhira imi haree kalohan ida iha loromonu, imi dehan katak udan sei tau, no mosu duni nune'e. <sup>55</sup>Wainhira anin hu'u husi tasimane, imi dehan katak loron sei manas, no mosu duni nune'e. <sup>56</sup>Imi ema laran makerek sira! Imi hatene si'ik buat ne'ebé mosu iha lalehan no iha rai, nusa mak imi la hatene si'ik otas ne'e? <sup>57</sup>Tan sa imi la haree ho imi nia matan rasik buat ne'ebé los? <sup>58</sup>Ne'e duni, wainhira o ba tribunal hamutuk ho o nia funubalan, buka hadame malu ho nia iha dalam; keta halo nia lori o ba tesi lia na'in, hafoin tesii-lia na'in saran o ba guarda, no guarda hatama o iha dadur laran. <sup>59</sup>Ha'u dehan ba o katak o sei la sai husi ne'ebá to'o o selu hotu."

## Hanorin kona ba hakribi sala

<sup>1</sup>Iha loron ne'ebá ema mai fo hatene ba Nia kona ba ema Galileia sira ne'ebé Pilatos haruka kahur sira ran ho balada sira nia ran, ne'ebé sira hasa'e ba lulik. <sup>2</sup>Jezús hatán ba sira: "Imi hanoin katak ema Galileia sira ne'e atu liu fali ema Galileia sira seluk tanba sira terus nune'e? <sup>3</sup>Lae, Ha'u dehan ba imi; maibé imi la hakribi karik imi nia sala, imi mos sei mate hanesan sira. <sup>4</sup>Hanesan mos sira sanulu resin ualu ne'ebé tore Siloe hanehan mate wainhira tore ne'e monu: imi hanoin katak sira atu liu fali sira seluk iha Jerusalem? <sup>5</sup>Lae, Ha'u dehan ba imi; maibé imi la hakribi karik imi nia sala, imi hotu sei mate hanesan sira."

## Aiknanoik ai figureira nian

<sup>6</sup>Nia dehan tan aiknanoik ida ne'e: "Ema ida kuda tiha ai figureira ida iha nia to'o. Loron ida nia ba buka nia ai-fuan, maibé la hetan. <sup>7</sup>Tan ne'e, nia hateten ba to'o atan: 'Tinan tolu ona ha'u mai buka ai-fuan iha ai-hun ne'e, maibé la hetan ida. Tesi tiha nia! Tansa nia susu leet rai bokur?' <sup>8</sup>Maibé to'o atan hatán: 'Na'i, husik nia tinan ida ne'e tan, atu ha'u bele ke'e rai hadulas nia hun hodi tau mos rai metan. <sup>9</sup>Tinan mai nia sei fo fuan karik, diak; lae karik, mak sei tesi tiha nia.'"

Jezús fo isin diak iha loron Sabadu

<sup>10</sup>Iha loron Sabadu ida Jezús hanorin iha sinagoga. <sup>11</sup>Iha ne'ebá iha foto ne'ebé espiritu aat ida halo moras tinan sanulu resin ulu ona: nia la'o hakru'uk de'it, la bele hamriik los. <sup>12</sup>Haree tiha nia, Jezús bolu nia hodi dehan ba nia: "Feto, o nia moras la iha ona." <sup>13</sup>Hafoin Nia tau liman ba nia. Iha oras ne'e kendas, foto hamriik los hodi hahi Maromak. <sup>14</sup>Maibé, na'i ulun sinagoga nian, hirus tanba Jezús fo isin diak iha loron Sabadu, dehan ba ema sira: "Iha loron neen atu serbus; ne'e duni, imi mai iha loron hirak ne'e; keta mai iha loron Sabadu." <sup>15</sup>Maibé Jezús hatán ba nia, dehan: "Laran makerek sira, imi la kore imi nia karau eh kuda husi nia luhan iha loron Sabadu, hodi lori nia ba hemu?" <sup>16</sup>Ne'e duni, foto ne'e, Abraao nia oan, ne'ebé diabu kesi tinan sanulu resin ulu ona, la soi atu kore tiha mos iha loron Sabadu?" <sup>17</sup>Dehan tiha nune'e, nia funubalun sira moe hotu, no povu tomak haksolok tanba hahalok kmanek sira ne'ebé Nia halo.

Aiknanoik mustarda musan no fermentu nian

<sup>18</sup>Hafoin Nia dehan: "Maromak nia reinu hanesan sa ida los, eh Ha'u sei tanesan nia ho sa ida los?" <sup>19</sup>Nia hanesan mustarda musan ne'ebé ema ida hola hodi kuda iha nia to'os. Musan ne'e moris hodi sai ai-hun boot ida, manu sira husi lalehan mai tur iha nia sanak sira." <sup>20</sup>Nia dehan tan: "Ha'u sei tanesan Maromak nia reinu ho sa ida los?" <sup>21</sup>Nia hanesan fermentu ne'ebé foto ida tau iha farina sasukat tolu, to'o masa tomak sa'e."

Odamatan kloot

<sup>22</sup>Jezús liu husi sidade no knua sira atu ba Jerusalem hodi hanorin. <sup>23</sup>Ema balun husu ba Nia: "Na'i, ema uitoan de'it mak sei hetan maksoin?" Nia hatán ba sira: <sup>24</sup>"Haka'as an atu tama liu husi odamatan kloot, basa Ha'u dehan ba imi katak ema barak sei koko atu tama, maibé sei la biban." <sup>25</sup>Wainhira uma na'in hader hodi taka tiha ona odamatan, imi sei hamriik iha liur hodi tuku odamatan, dehan: "Na'i, loke mai ami!" Nia sei hatán: "Ha'u la hatene imi mai husi ne'ebé." <sup>26</sup>Imi sei hahu dehan: "Ami uluk han hemu hamutuk ho Ita boot, no Ita boot hanorin iha ami nia luron sira." <sup>27</sup>Maibé Nia sei dehan ba imi: "Ha'u la hatene imi mai husi ne'ebé. Sai tiha husi ha'u nia oin, imi hotu ne'ebé halo aat!" <sup>28</sup>Iha ne'ebé ema sei ruun nehan hodi tanis, wainhira imi sei haree Abraao, Isaac, Jacob no profeta sira hotu iha Maromak nia reinu, maibé ema sei duni sai imi ba liur. <sup>29</sup>Ema sei mai husi loromonu no lorosa'e, husi tasimane no tasifeto, no sira sei tur han iha Maromak nia reinu. <sup>30</sup>Sira ne'ebé ohin ikus sei sai uluk; no sira ne'ebé ohin uluk sei sai ikus fali."

Jezús sei mate iha Jerusalem

<sup>31</sup>Iha loron ne'ebá, fariseu balun mai hodi dehan ba Nia: "Sai tiha husi ne'e, basa Herodes hakarak oho Ita." <sup>32</sup>Nia hatán ba sira: "Imi la'o ba, hodi dehan ba asu fuik ne'e: 'Ha'u duni sai diabu sira, hodi fo isin diak ba ema ohin no aban; no bainrúa ha'u nia knaar hotu ona.' <sup>33</sup>Maibé ohin, aban no bainrúa Ha'u sei tur Ha'u nia dalam: basa profeta ida la bele mate iha Jerusalem liur. <sup>34</sup>Jerusalem, Jerusalem, ne'ebé oho profeta sira no tuda sira ne'ebé Na'i haruka ba o! Dala barak ona Ha'u buka atu halibur o nia oan sira, hanesan manu inan tau nia oan sira iha nia liras okos, maibé o lakohi! <sup>35</sup>Tebes, ema sei husik o nia uma ne'e mamuk. Maibé Ha'u dehan ba o katak o sei la haree tan Ha'u to'o loron ne'ebé o sei dehan: 'Rahun diak ba Ida ne'ebé mai hodi Na'i nia naran!'"

14

Milagre ida tan iha loron Sabadu

<sup>1</sup>Iha loron Sabadu ida, Jezús tama iha fariseu boot ida nia uma atu han. Sira hotu hateke ba Nia. <sup>2</sup>Ema moras ida mai hamriik iha nia oin. <sup>3</sup>Jezús hateten ba ukun na'in no fariseu sira: "Iha loron Sabadu bele fo isin diak ba ema moras, ka lae?" <sup>4</sup>Sira nonok de'it. Tuir mai, kaer tiha ema moras nia liman, Jezús fo isin diak ba nia hodi haruka nia ba. <sup>5</sup>Hafoin nia dehan ba sira: "Iha imi nia leet, se mak la dada sai nia kuda burro ka nia karau ne'ebé monu iha be matan, maski iha loron Sabadu?" <sup>6</sup>Sira la bele hatán buat ida kona ba ne'e.

Fatin uluk liu no ikus liu

<sup>7</sup>Haree tiha oin sa bainaka balun fihir tur fatin diak, Jezús haktuir ba sira aiknanoik ida ne'e: <sup>8</sup>"Ema ruma konvida karik o ba festa kabon ida, keta tur iha meja ulun; keta uma na'in konvida ema boot liu o karik; <sup>9</sup>hafoin, ema ne'ebé konvida imi na'in rua sei dehan ba o: 'Fo lai fatin ba ema ne'e.' Nune'e o sei moe boot, hodi ba tur iha fatin ikus liu. <sup>10</sup>Maibé wainhira ema konvida o, ba tur iha fatin ikus liu; nune'e, wainhira ema ne'ebé konvida o to'o mai, nia sei dehan ba o: 'Belun, mai tur liu leten.' Nune'e ema hotu ne'ebé tur hamutuk iha meja sei hahi o. <sup>11</sup>Basa ema ne'ebé foti an, Na'i sei hatun nia; no ema ne'ebé haraikan, Na'i sei foti nia."

Fihir kiak sira

<sup>12</sup>Tuir mai Jezús dehan ba ema ne'ebé konvida Nia: "Wainhira o halo festa, keta konvida o nia belun sira, o nia maun alin sira, o nia parenti sira ka o nia maluk riku sira; keta sira ne'e konvida fali o, nune'e sira selu fali o. <sup>13</sup>Maibé, wainhira o halo festa, konvida ema kiak sira, ema kbiit laek sira, ema ain aat sira no ema matan delek sira. <sup>14</sup>O sei hetan ksolok, basa sira ne'e la iha buat ida atu selu fali o; o sei simu o nia kolen wainhira ema diak sira sei moris hi'as."

Aiknanoik festa boot nian

<sup>15</sup>Rona tiha buat ne'e, bainaka ida dehan ba Nia: "Rahun diak ba ema ne'ebé sei han ho Maromak iha nia reinu!" <sup>16</sup>Jezús hatán ba nia: "Ema ida halo festa boot hodi konvida ema barak. <sup>17</sup>Iha oras atu han nia haruka nia atan atu hateten ba sira: 'Mai ona, buat hotu hadia tiha ona.' <sup>18</sup>Maibé sira hotu hahu dehan buat oi-oin. Ida uluk dehan ba nia: 'Ha'u foin sosa rai no ha'u sei ba haree nia; ha'u husu diskulpa.' <sup>19</sup>Ida seluk dehan: 'Ha'u foin sosa karau par lima no ha'u sei koko sira; ha'u husu diskulpa.' <sup>20</sup>Ida seluk tan dehan: 'Ha'u foin kabon, tan ne'e ha'u la bele ba.' <sup>21</sup>Atan ne'e fali fali hodi haktuir buat hirak ne'e ba nia na'in. Tuir mai, uma na'in hirus, hodi dehan ba nia atan: 'Sai larais ba dalam no luron sira sidade nian, hodi lori mai iha ne'e ema kiak sira, ema kbiit laek, ema atan delek no ema ain aat sira.' <sup>22</sup>La kleur atan ne'e fali fali, hodi dehan ba nia: 'Na'i, buat ne'ebé Ita haruka, halo tiha ona, maibé fatin sei iha.' <sup>23</sup>Uma na'in dehan fali ba nia atan: 'Ba liu husi dalam no to'o sira hodi obriga ema atu tama, atu ha'u nia uma sai nakonu. <sup>24</sup>Basa ha'u dehan ba imi katak, husi sira ne'ebé ha'u konvida uluk, ida mos sei la koko ha'u nia festa.'"

Husik buat hotu atu tuir Jezús

<sup>25</sup>Ema lubun boot la'o hamutuk ho Jezús. Nia fila oin hodi dehan ba sira: <sup>26</sup>"Ema ruma mai tuir Ha'u karik, maibé la hewai nia aman, inan, feen, oan sira, to'o nia moris rasik, ema ne'e la bele sai ha'u nia eskolante. <sup>27</sup>Ema ne'ebé la lori nia krus hodi tuir Ha'u, nia la bele sai ha'u nia eskolante. <sup>28</sup>Imi ida ne'ebé mak, atu halo uma aas ida, la tur uluk lai atu sura buat ne'ebé kur'an, hodi haree nia iha osan ka lae atu halo to'o hotu? <sup>29</sup>Keta halo be, foin hahu harii, nia la iha kbiit atu halo to'o rohan. Hafoin sira ne'ebé haree, hahu hamoe nia, dehan: <sup>30</sup>'Ema ne'e hahu harii, maibé la bele halo to'o rohan!'"

<sup>31</sup>"Eh liurai ida ne'ebé mak ba funu hasoru liurai seluk, la tur uluk lai hodi hanoin di-diak nia bele ka lae ho de'it soldadu rihun sanulu ba hasoru ida ne'ebé mai hasoru nia ho soldadu rihun rua nulu?" <sup>32</sup>La bele karik, wainhira ida seluk sei dook hela, nia haruka kendas manu-ain atu ba husu dame. <sup>33</sup>Nune'e mos imi hotu ne'ebé la husik imi nia rikusoi tomak, la bele sai ha'u nia eskolante."

<sup>34</sup>"Masin diak duni; maibé masin ne'e lakon nia mer karik, oin sa bele halo nia mer fali?" <sup>35</sup>Ba rai no ba foer fatin mos la diak ona, maibé ema soe de'it ba liur. Ema ne'ebé tilun iha atu rona, rona ba!"

15

Bibi ne'ebé lakon

<sup>1</sup>Publikano no maksalak sira hakbesik Jezús atu rona Nia. <sup>2</sup>Fariseu no eskriba sira hamuu, dehan: “Ema ne’e simu maksalak sira hodi han hamutuk ho sira.” <sup>3</sup>Tan ne’e, Nia haktur ba sira aiknanoik ida ne’e: <sup>4</sup>“Imi ida ne’ebé mak, iha karik bibi atus ida no lakon tiha ida, la husik sia nulu resin sia seluk iha rai fuij maran, hodi ba buka to’o hetan ida ne’ebé lakon? <sup>5</sup>Hetan tiha, nia tau bibi ne’e ho ksolok iha nia kbaas. <sup>6</sup>To’o tiha uma, nia bolu belun no maluk sira, hodi dehan ba sira: ‘Haksolok ho ha’u ba, basa ha’u hetan fali ona ha’u nia bibi ne’ebé lakon.’ <sup>7</sup>Ha’u dehan ba imi katak iha lalehan mos sei iha ksolok tanba ema maksalak ida ne’ebé hakribi nia sala, liu fali tanba ema diak sia nulu resin sia ne’ebé la kurian atu hakribi sala.”

#### Osan mean ne’ebé lakon

<sup>8</sup>“Eh foto ida ne’ebé mak, iha karik osan mean sanulu, lakon tiha ida, nia la sunu ahi-oan, dasa uma laran hodi buka di-diak to’o hetan osan ne’ebé lakon? <sup>9</sup>Hetan tiha, nia bolu nia belun no maluk sira, dehan: ‘Haksolok ho ha’u ba, basa ha’u hetan ona osan mean ne’ebé lakon. <sup>10</sup>Ha’u dehan ba imi katak Maromak nia anju sira mos sei haksolok tanba ema maksalak ida ne’ebé hakribi sala.”

#### Oan ne’ebé soe hela uma

<sup>11</sup>Nia dehan tan: “Ema ida iha oan mane na’in rua. <sup>12</sup>Ida kiik dehan ba nia aman: ‘Aman, fo mai ha’u buat ne’e ha’u nian.’ Aman ne’e fahe tiha nia rikuso ba sira. <sup>13</sup>Liu tiha loron ruma, oan kiik ne’e halibur nia rikuso tomak, hodi ba rai dook ida; iha ne’ebé nia halo naben nia rikuso tomak, hodi moris aat liu. <sup>14</sup>Nahas tiha nia sasan tomak, rai ne’ebé hamlaha boot. Nia mos hahu hetan susar. <sup>15</sup>Tan ne’e nia ba serbisu ba ema rai na’in ida, ne’ebé haruka nia ba hein fahi iha nia to’os. <sup>16</sup>Nia kaan atu han ai-fuan ne’ebé fahi sira han, maibé ema ida la husik. <sup>17</sup>Nia hanoin, hodi dehan ba nia an: ‘Ha’u nia aman iha atan barak ne’ebé aihian la kurian; ha’u fali iha ne’e mate hamla. <sup>18</sup>Ha’u sei hamriik hodi ba koalia ho ha’u nia aman, dehan: ‘Aman, ha’u sala hasorū lalehan no mos hasoru ita. <sup>19</sup>Ha’u la soi ona atu ita bolu ha’u ita oan. Haree de’it ha’u nu’udar ita nia atan ida.’

<sup>19</sup>Nune’e, hamriik tiha, nia ba hasorū nia aman. <sup>20</sup>Nia sei dook hela, nia aman haree ona nia, hanoin teb-tebes nia, hodi halai ba hasorū nia, hakoak no rei nia. <sup>21</sup>Nia dehan: ‘Aman, ha’u sala duni hasorū lalehan no mos hasoru ita; ha’u la soi ona atu ita haree ha’u nu’udar oan.’ <sup>22</sup>Maibé aman ne’e dehan ba nia atan sira: ‘Lori mai lalais unuk furak liu, hodi fo hatais nia; tau kadelai ba nia liman, sapatu ba nia ain. <sup>23</sup>Lori mai karau oan bokur ida atu oho. Ita sei han hemu hodi halo festa. <sup>24</sup>Basa ha’u nia oan ida ne’e mate tiha, maibé moris fali; nia lakon tiha, maibé hetan fali.’ No sira hahu halo festa.”

<sup>25</sup>“Maibé oan boot sei hela iha to’os. Wainhira nia fila fali, hakbesik dau-daun uma, nia rona ema hananu no bidu. <sup>26</sup>Nia bolu atan ida, hodi husu buat ne’e sa ida los. <sup>27</sup>Atan ne’e hatán: ‘O nia alin to’o ona mai no o nia aman oho karau oan bokur, basa nia to’o ho isin diak.’ <sup>28</sup>Maun boot, laran nakali teb-tebes, lakohi tama. Tan ne’e, nia aman sai hodi hahu hamaus nia. <sup>29</sup>Maibé nia hatán, hodi dehan ba nia aman: ‘Tinan hira ona mak ha’u serbi ita, hodi halo tuir nafatin ita nia hakarak, maibé ita la dauk fo bibi oan ida mai ha’u atu halo festa ho ha’u nia belun sira. <sup>30</sup>Maibé, wainhira ita nia oan ne’e to’o mai, ne’ebé halakon tiha nia rikuso tomak ho feto atat sira, ita oho karau oan bokur ida ba nia.’ <sup>31</sup>Nia aman hatán ba nia: ‘Ha’u oan, o horik nafatin ho ha’u, no buat hotu ne’ebé ha’u nian, o nian mos. <sup>32</sup>Maibé ita sei halo festa duni hodi haksolok, basa o nia alin ne’e mate tiha, maibé moris fali; nia lakon tiha, maibé hetan fali.”

16

#### Administrador aat

<sup>1</sup>Nia dehan tan ba nia eskolante sira: “Ema riku ida iha emar ida atu haree nia sasan. Loron ida nia rona katak ema ne’e halo lakon nia rikuso. <sup>2</sup>Tan ne’e nia bolu emar ne’e, hodi husu ba nia: ‘Sa ida mak ha’u rona kona ba o? Hatán lai kona ba o nia serbisu, basa houri ohin ba oin o la bele kaer tan serbisu ne’e.’ <sup>3</sup>Ema ne’e hanoin iha nia laran: ‘Ha’u sei halo sa los, wainhira ha’u nia na’i hasai ha’u husi serbisu? Fila rai, ha’u la bele; husu esmola, ha’u moe. <sup>4</sup>Ha’u hatene ona ha’u sei halo sa atu, husik tiha serbisu ne’e, ema seluk simu netik ha’u.’ <sup>5</sup>Tuir mai nia bolu sira ida-ida ne’ebé debe nia na’i, hodi dehan ba ida uluk liu: ‘O debe hira ba ha’u nia na’i?’ <sup>6</sup>Nia hatán: ‘Mina botil atus ida.’ Ema ne’e dehan fali: ‘Tur lalais, kaer o nia nota, hakerek lima nulu.’ <sup>7</sup>Ba ida seluk nia husu: ‘O debe hira?’ Ida ne’e hatán: ‘Trigu karon atus ida.’ Nia dehan: ‘Kaer o nia nota, hakerek ualu nulu.’ <sup>8</sup>Na’i hahi ema aat ne’e tan nia hatene moris. Basa mundu ne’e nia oan sira hatene moris ho nia maluk sira diak liu fali naroman nia oan sira. <sup>9</sup>Ha’u dehan ba imi: halo belun sira ho osan aat atu, wainhira osan ne’e nahas tiha ona, sira sei simu imi iha reini rohan laek. <sup>10</sup>Ema ne’ebé halo di-diak knaar kiik, nia halo mos di-diak knaar boot. <sup>11</sup>Ne’e duni, imi la hatene karik kaer osan aat ne’e, se mak sei fo ba imi rikuso los? <sup>12</sup>Imi la haree di-diak karik ema seluk nia sasan, se mak sei saran ba imi imi rasik nia sasan? <sup>13</sup>Atan ida la bele serbi na’i na’in rua: nia sei hakribi ida hodi hadomi ida seluk, ka nia sei tuir ida hodi hewai ida seluk. Imi la bele serbi Maromak no osan dala ida.”

#### Ukunfuan tuan no foun

<sup>14</sup>Fariseu sira, ne’ebé hadomi osan, rona buat hirak ne’e hotu hodi hamnasa Nia. <sup>15</sup>Jezús dehan ba sira: “Imi mosu nu’udar ema diak iha ema sira nia oin, maibé Maromak hatene imi nia fuan. Basa buat ne’ebé iha folin boot ba ema sira, buat ne’e la folin buat ida ba Maromak. <sup>16</sup>Ukunfuan no profeta sira hela de’it to’o João; houri tempu ne’ebé ema haklaken tiha ona Maromak nia reini no ema hotu haka’as an hodi kbiit atu tama iha nia. <sup>17</sup>Lalehan no rai sei mohu lalais liu fali ukunfuan baluk ida. <sup>18</sup>Ema ne’ebé husik nia feen hodi hola fali ema seluk, nia sala adulteriu nian; no ema ne’ebé hola feto ne’ebé nia laen husik tiha, nia mos halo sala adulteriu nian.”

#### Ema riku karakter

<sup>19</sup>“Ema riku ida hatais mesak mean furak ho kabas lahan lotuk. Loron loron nia halo festa boot. <sup>20</sup>Ema kiak ida naran Lazaro tur hela iha nia odamatan. <sup>21</sup>Kiak ne’e hakarak hili etu mumun husi riku nia meja okos; asu sira belo nia kanek sira. <sup>22</sup>Loron ida ema kiak ne’e mate, Maromak nia anju sira lori nia ba hamutuk ho Abraao. Ema riku ne’e mos mate, ema hakoi nia. <sup>23</sup>Terus barak iha infernu, ema riku foti matan hodi haree husi dook Abraao hamutuk ho Lazaro. <sup>24</sup>Iha oras ne’e nia hasa’e lia, dehan: ‘Ha’u aman Abraao, sadia atan ha’u! Haruka netik Lazaro atu habokon nia liman fuan iha be, hodi mai halo malirin ha’u nia nanal, basa ha’u terus la diak iha ahi ne’el.’ <sup>25</sup>Abraao hatán: ‘Oan, hanoin ba, o simu ona o nia diak iha o nia moris tomak; Lazaro fali simu mak susar de’it. Oras ne’e Lazaro hetan ksolok, o fali hetan terus boot. <sup>26</sup>Hafoin, husi ami ba imi mos rai kuak boot haketak ita: ami ida hakarak karik liu ba imi la bele, imi ida hakarak karik hakat mai ami mos la bele.’ <sup>27</sup>Ema riku ne’e hatán fali: ‘Ne’e sa, ha’u aman, ha’u husu barak ba ita atu haruka Lazaro ba ha’u nia uma, basa ha’u iha alin na’in lima; <sup>28</sup>atu fo hatene ba sira, atu sira keta mai tan fatin terus ne’el.’ <sup>29</sup>Abraao dehan ba nia: ‘Sira iha ona Moisés no profeta sira: rona sira ba!’ <sup>30</sup>Maibé nia simu fali: ‘Lae, aman Abraao! Matebian ruma ba karik koalia ho sira, sira sei hakribi sira nia sala.’ <sup>31</sup>Maibé, Abraao dehan: ‘Sira la se tilun karik ba Moises no profeta sira, maski matebian ida moris hi’as fali, sira mos sei la fier.’”

17

#### Liafuan diak ruma

<sup>1</sup>Jezús dehan tan ba nia eskolante sira: “Esemplu aat sira sei iha duni; maibé ema ne’ebé fo esemplu aat sei hetan kastigu. <sup>2</sup>Kesi fatuk boot dulas batar nian ida ba nia kakorok hodi soe nia ba tasi, diak liu fali nia dada labarik kiik sira ne’e ida ba sala.”

<sup>3</sup>“Imi rona di-diak: o nia maluk ida halo sala karik, fo hatene ba nia; nia hakribi sala karik, perdua nia. <sup>4</sup>Nia sala karik dala hitu hasorū o, no nia hateten dala hitu ‘Ha’u hakribi,’ perdua nia.”

<sup>5</sup>Apostolu sira hateten ba Na’i: “Haboot ami nia fiar!” <sup>6</sup>Na’i hatán ba sira: “Imi nia fiar boot karik hanesan modo musan ida, imi bele dehan ba ai-hun ne’e: ‘Fokit o an husi ne’e, ba kuda o an iha tasi laran,’ nia sei halo tuir. <sup>7</sup>Iha imi leet se mak, iha atan ida ne’ebé wainhira nia fila husi to’os sei dehan ba nia: ‘O mai lalais tur iha meja?’ <sup>8</sup>Nia sei la dehan fali: ‘O ba tein,’ ka ‘O ba hatais lalais atu serbi meja wainhira ha’u han dau-daun; hafoin mak o sei tur han?’ <sup>9</sup>Ema se los mak sei fo obrigadu ba nia atan tan atan ne’e halo tuir nia hakarak? <sup>10</sup>Nune’e mos imi, wainhira imi halo tiha imi nia knaar tomak, hateten: ‘Ami atan folin laek, ami halo de’it ami nia obrigasaun.’”

Ema moras lepra na'in sanulu

<sup>11</sup>Jezús liu husi Galileia no Samaria atu ba Jerusalem. <sup>12</sup>Wainhira nia tama dau-daun ba knua ida, ema moras lepra na'in sanulu mai hasoru Nia. <sup>13</sup>Husi dook sira hasa'e lia, dehan: "Jezús, mestre, sadia atan amil!" <sup>14</sup>Haree tiha sira, Nia dehan ba sira: "Imi ba, hatudu imi an ba am'lulik sira." La'o tuir dalan, sira hetan isin diak. <sup>15</sup>Sira ida, haree katak nia isin diak fali ona, fila fali hodi hahi Maromak ho lia maka'as; <sup>16</sup>nia monu ba Jezús nia ain, hakru'uk to'o rai, hodi agradese. Ema ne'e Samaritanu ida. <sup>17</sup>Jezús dehan ba nia: "La'os ema na'in sanulu mak hetan isin diak? Sira na'in sia iha ne'ebé?" <sup>18</sup>Ema ida la fila atu hahi Maromak, mak ema malae ne'e de'it?" <sup>19</sup>Hafoin Nia dehan ba ema ne'e: "Hamriik, la'o ba! O nia fiar mak soi tiha o!"

Maromak nia reinu to'o ona

<sup>20</sup>Fariseu sira husu ba Nia wainhira mak Maromak nia reinu sei to'o. Nia hatán ba sira: "Maromak nia reinu la mai hodi hatudu an. <sup>21</sup>Ema ida la bele dehan: 'Mak ne'e,' eh 'Mak ne'ebá,' basa Maromak nia reinu iha ona imi nia laran."

Oan Mane nia loron

<sup>22</sup>Tuir mai Nia dehan ba nia eskolante sira: "Loron sei to'o wainhira imi sei hakarak haree Oan Mane nia loron ida, no imi sei la haree. <sup>23</sup>Ema sei dehan ba imi: 'Nia mak ne'e,' eh 'Nia mak ne'ebá.' Imi keta ba, keta tuir. <sup>24</sup>Basa nu'udar rai lakan nabilan husi lalehan nia hun to'o nia rohan, nune'e mos sei mosu iha Oan Mane nia loron. <sup>25</sup>Maibé uluk knanain Nia sei terus boot, ema husi otas ne'e sei hakribi Nia. <sup>26</sup>Nu'udar mosu tiha ona iha Noe nia loron, nune'e mos sei mosu iha Oan Mane nia loron: <sup>27</sup>sira han hemu, mane sira hola feto, feto sira hola mane to'o loron ne'ebé Noe tama iha ro laran no udan tau maka'as ne'ebé hamout sira hotu. <sup>28</sup>Sei mosu mos hanesan iha Lot nia loron: sira han hemu dau-daun, sira sosa no faan, sira kuda no harii uma. <sup>29</sup>Maibé iha loron ne'ebé Lot sai tiha husi Sodoma, ahi no ensofre tun husi lalehan hodi oho sira hotu. <sup>30</sup>Nune'e mos sei mosu iha loron ne'ebé Oan Mane sei hatudu an. <sup>31</sup>Iha loron ne'ebá, ema ne'ebé iha uma nia kakuluk keta tun at hola nia sasan sira; nune'e mos ida ne'ebé iha to'o keta fila fali. <sup>32</sup>Imi hanoin fali Lot nia feen."

<sup>33</sup>"Ema ne'ebé hakarak soi nia moris, sei lakon moris ne'e; no ema ne'ebé lakon nia moris, sei soi nia moris ne'e. <sup>34</sup>Ha'u dehan ba imi katak iha kalan ne'ebá ema na'in rua sei toba iha fatin ida: sira sei lori ida, hodi husik ida seluk. <sup>35</sup>Feto na'in rua sei tuku batar hamutuk: sira sei lori ida, hodi husik ida seluk." <sup>36</sup>Sira simu, dehan: "Na'i, buat ne'e sei mosu iha los ne'ebé?" <sup>37</sup>Nia hatán ba sira: "Iha fatin ne'ebé isin mate hela, iha ne'ebá mos mak manu makikit sira sei halibur hamutuk."

18

Juis aat

<sup>1</sup>Tuir mai, Nia haktuir ba sira aiknanoik ida, hodi hanorin katak ita sei harohan nafatin hodi la bele kole. <sup>2</sup>"Iha sidade ida iha tesia lia na'in ida ne'ebé la tauk Maromak, la respeita ema. <sup>3</sup>Iha sidade ne'e mos iha feto faluk ida ne'ebé ba hasoru nia, dehan: 'Halo lai justisa hasoru ha'u nia maluk.' <sup>4</sup>Dala barak ona mak nia lakohi rona. Maibé loron ida nia dehan ba nia an: 'Maski ha'u la tauk Maromak, no mos la respeita ema, <sup>5</sup>tanba feto faluk ne'e fo bei-beik ulun moras mai ha'u, ha'u sei halo duni justisa atu nia la bele mai halo kole tan ha'u.' <sup>6</sup>Imi rona di-diak buat ne'ebé tesia lia na'in aat ne'e dehan. <sup>7</sup>Ne'e duni, Maromak sei la halo justisa ba sira ne'ebé Nia fihir, ne'ebé kalan loron hasa'e lia ba Nia, hodi halo sira hein kleur tan? <sup>8</sup>Tebes, Ha'u dehan ba imi, Nia sei halo kedes justisa ba sira. Maibé wainhira Oan Mane sei fila hikas mai, Nia sei hetan fiar iha raiklaran ka lae?"

Fariseu no Publikanu

<sup>9</sup>Hafoin Nia haktuir tan aiknanoik ida ne'e ba ema balun ne'ebé foti an hodi hanoin katak sira ema santu, maibé hakribi ema seluk: <sup>10</sup>"Ema na'in rua sa'e ba templu atu harohan: ida ema fariseu, ida seluk ema publikanu. <sup>11</sup>Fariseu ne'e hamriik tiha, hodi harohan nune'e: 'Na'i Maromak, ha'u agradese Ita Boot, basa ha'u la'os hanesan ema seluk: sira mesak ema na'okten, kaanten, laran foer; ha'u la hanesan mos ema publikanu ne'e. <sup>12</sup>Ha'u hadera an semana ida dala rua. Ha'u selu impostu husi ha'u nia rikusoi tomak.' <sup>13</sup>Publikano fali hamriik dook, la berani atu foti matan, maibé baku de'it nia hirus matan, dehan: 'Na'i Maromak, sadia atan ha'u, ema maksalak!' <sup>14</sup>Tebes, Ha'u dehan ba imi katak ema ne'e fila ba uma los ona, ida seluk lae. Basa ema ne'ebé foti an, Na'i sei hatun nia; no ema ne'ebé haraik an, Na'i sei foti nia."

Jezús ho labarik sira

<sup>15</sup>Tuir mai, ema lori ba Nia kiik oan sira atu Nia tau liman ba sira. Haree tiha ne'e, eskolante sira haksi'ak ema sira ne'e. <sup>16</sup>Maibé Jezús bolu sira, dehan: "Husik labarik sira hakbesik Ha'u; keta duni sira, basa Maromak nia reinu sira nian. <sup>17</sup>Tebes duni, Ha'u dehan ba imi katak ema ne'ebé la simu Maromak nia reinu hanesan labarik ida, nia sei la tama iha ne'ebá."

Ema riku ne'ebé hakarak tuir Jezús

<sup>18</sup>Na'i ulun ida husu ba Nia: "Mestre diak, ha'u sei halo sa ida atu hetan moris rohan laek?" <sup>19</sup>Jezús hatán ba nia: "Tansa o bolu Ha'u diak? Maromak mesak mak diak. <sup>20</sup>O hatene ukunfuan sira: keta oho ema, keta halo sala foer, keta na'ok, keta duu matak ema, respeitu o nia inan aman." <sup>21</sup>Nia dehan: "Buat ne'e hotu ha'u halo tiha ona houri ha'u sei labarik." <sup>22</sup>Rona tiha ne'e, Jezús dehan ba nia: "Sei iha tan buat ida ba o: faan tiha o nia rikusoi tomak, hodi fahe osan ba kiak sira; o sei hetan rikusoi barak iha lalehan; hafoin o mai tuir Ha'u." <sup>23</sup>Rona tiha buat ne'e, nia neon kraik teb-tebes, basa nia iha rikusoi barak. <sup>24</sup>Haree tiha nia neon kraik, Jezús dehan: "Susar tebes ba ema riku sira atu tama iha Maromak nia reinu!" <sup>25</sup>Basa kuda kamelu ida liu husi daum nia kuak lalais liu fali ema riku ida tama iha Maromak nia reinu." <sup>26</sup>Sira ne'ebé rona, dehan: "Nune'e karik, se los mak bele hetan maksoin?" <sup>27</sup>Jezús hatán: "Buat ne'ebé la bele ba ema, ba Maromak bele de'it." <sup>28</sup>Pedro dehan ba Nia: "Ami husik tiha buat hotu hodi tuir Ita." <sup>29</sup>Nia hatán ba sira: "Tebes, Ha'u dehan ba imi katak ema ne'ebé husik uma, kaben, inan, aman, alin eh oan sira tanba Maromak nia reinu, <sup>30</sup>nia sei simu barak liu fali iha moris ne'e; no aban bainrua, moris rohan laek."

Jezús fo hatene kona ba nia mate

<sup>31</sup>Tuir mai, Jezús halibur sira na'in sanulu resin rua hodi dehan ba sira: "Rona di-diak; ita sa'e ba Jerusalem. Buat hotu ne'ebé profeta sira hakerek kona ba Oan Mane, sei halo tuir duni. <sup>32</sup>Ema sei saran Nia ba gentiu sira ne'ebé sei hamnasa Nia, koalia aat ba Nia, tafui ba Nia; <sup>33</sup>baku tiha Nia, sira sei oho Nia; maibé, liu tiha loron tolu, Nia sei moris hi'as." <sup>34</sup>Maibé sira la komprende liafuan ne'e. Liafuan hirak ne'e haksumik hela ba sira. Sira la komprende buat ne'ebé Nia dehan ba sira.

Ema matan delek husi Jeriko

<sup>35</sup>Wainhira sira hakbesik Jeriko, ema matan delek ida tur husu esmola iha dalam ninin. <sup>36</sup>Rona tiha ema sira ne'ebé liu dau-daun, nia husu sa ida mak ne'e. <sup>37</sup>Sira dehan ba nia katak Jezús husi Nazare liu dau-daun. <sup>38</sup>Nia hakilar: "Jezús, David nia oan, sadia atan ha'u!" <sup>39</sup>Sira ne'ebé iha oin haksi'ak nia atu nonok tiha, maibé nia hetok foti lia maka'as liu tan: "David nia oan, sadia atan ha'u!" <sup>40</sup>Jezús para hodi haruka sira lori nia mai. Wainhira ema matan delek ne'e hakbesik, Jezús husu ba nia: <sup>41</sup>"O hakarak Ha'u halo sa ida ba o?" Nia hatán: "Na'i, halo ha'u hareel!" <sup>42</sup>Jezús dehan ba nia: "O ba ona, o nia fiar soi tiha o." <sup>43</sup>Nia harea kedes no hahu tuir Jezús hodi hawelok Maromak. Haree tiha ne'e, ema hotu hahi Maromak.

19

Zaqueu

<sup>1</sup>Tama tiha iha Jeriko, Jezús la'o tesi sidade laran. <sup>2</sup>Ema riku ida horik iha ne'ebá. Nia publikanu sira nia ulun, naran Zaqueu. <sup>3</sup>Nia buka namanas atu haree Jezús, maibé la bele tanba ema barak, basa nia ain badak. <sup>4</sup>Nia halai hodi sa'e ba ai ida atu haree Jezús, ne'ebé sei liu husi ne'ebá. <sup>5</sup>To'o tiha fatin ne'ebá, Jezús foti matan hodi dehan: "Zaqueu, tun mai lalais, basa ohin Ha'u sei hela iha o nia uma." <sup>6</sup>Nia tun kedes hodi simu Jezús ho ksolok boot. <sup>7</sup>Haree tiha ne'e, sira hotu hamuu, dehan: "Nia tama iha maksalak ida nia uma!" <sup>8</sup>Maibé Zaqueu hamrikk hodi dehan ba Na'i: "Na'i, ha'u sei fahe ha'u nia rikuso balun ba kiak sira; ha'u na'ok tiha karik ema ruma nia sasan, ha'u sei selu fali liu dala haat." <sup>9</sup>Jezús dehan ba nia: "Ohin maksoin tama iha uma ne'e, tan ema ne'e mos Abraao nia oan; basa Oan Mane mai buka hodi soi sira ne'ebé la'o lakon dalam."

#### Aiknanoik osan mean nian

<sup>11</sup>Wainhira sira rona tiha buat hirak ne'e, Jezús haktuir tan aiknanoik ida, tanba Jerusalem besik ona, no mos tanba sira hanoin katak Maromak nia reinu sei mosu lalais. <sup>12</sup>Nia dehan: "Ema boot ida ba tiha rai dook atu simu reinu, hafoin nia sei fila fali." <sup>13</sup>Bolu tiha nia atan na'in sanulu, nia fahe ba sira osan mean sanulu, hodi dehan ba sira: "Fila liman to'o ha'u sei fila fali." <sup>14</sup>Maibé ema sira iha reinu ne'ebá lakohi nia. Sira haruka manu-ain sira hodi dehan: 'Ami lakohi ema ne'e nu'udar ami nia liurau.' <sup>15</sup>Simu tiha reinu, wainhira nia fila hikas, nia haruka ema bolu atan sira ne'ebé nia fo osan, atu hatene sira manan hira. <sup>16</sup>Ida uluk mai, dehan: 'Na'i, ita nia osan ida manan sanulu tan.' <sup>17</sup>Nia hatán: 'Diak tebes, atan diak, tanba o ema los kona ba sasan uitoan, o sei ukun sidade sanulu.' <sup>18</sup>Atan seluk mai, dehan: 'Ha'u nian manan lima tan.' <sup>19</sup>Nia hatán: 'O mos sei ukun sidade lima.' <sup>20</sup>Ida seluk mai, dehan: 'Na'i, ita nia osan mak ne'e. Ha'u rai di-diak iha hema ida, <sup>21</sup>basa ha'u tauk ita ne'ebé ema si'akten, ne'ebé foti buat ne'ebé la tau no ku'u buat ne'ebé la kuda.' <sup>22</sup>Ba ema ne'e nia simu fali: 'Tanba o nia liafuan rasik, ha'u tesi lia todan hasoru o, atan aat. O hatene katak ha'u ema laran tos, ne'ebé foti buat ne'ebé la tau, ku'u buat ne'ebé la kuda.' <sup>23</sup>Ne'e duni, tanso o la hatama ha'u nia osan iha banku atu, fila tiha, ha'u bele manan nia osan funan?' <sup>24</sup>Hafoin Nia dehan ba sira ne'ebé hamrikk iha ne'ebá: 'Hasai tiha nia osan, hodi fo fali ba ida ne'ebé iha sanulu.' <sup>25</sup>Sira dehan: 'Na'i, nia iha ona osan sanulu.' <sup>26</sup>Maibé nia simu: 'Ha'u dehan ba imi katak ba ida ne'ebé iha ona, sei fo tan; maibé husi ida ne'ebé la iha, sei hasai tan buat ne'ebé nia iha.' <sup>27</sup>Kona ba ha'u nia funubalun sira ne'ebé lakohi ha'u atu ukun sira, lori sira mai iha ne'e, oho tiha sira iha ha'u nia oin!'" <sup>28</sup>Dehan tiha ne'e, Jezús la'o hodi sa'e ba Jerusalem.

#### Jezús tama iha Jerusalem

Wainhira Nia to'o Betfage no Betania, besik foho ida naran Oliveira, Jezús haruka eskolante na'in rua, dehan: <sup>30</sup>"Imi ba iha knua iha oin. To'o tiha ne'ebá, imi sei hetan kuda oan ida, ne'ebé ema la dauk sa'e, kesi hela. Imi kore tiha nia, hodi lori mai." <sup>31</sup>Ema rumu husu karik tansa imi kore nia, imi sei hateten nune'e: 'Na'i presisa nia.' <sup>32</sup>Sira na'in rua ba, hodi hetan buat hotu nu'udar Jezús dehan. <sup>33</sup>Wainhira sira kore dau-daun, kuda na'in dehan ba sira: "Tansa imi kore kuda oan?" <sup>34</sup>Sira hatán: 'Na'i presisa nia.' <sup>35</sup>Sira lori nia ba Jezús. Hafoin, tau tiha sira nia hatais iha kuda leten, sira tulun Jezús atu sa'e. <sup>36</sup>Wainhira Nia liu dau-daun, sira nahe sira nia hatais iha dalan. <sup>37</sup>Besik ona atu to'o foho Oliveira, ema lubun boot ne'ebé tur Jezús hahu hawelok Maromak ho ksolok no lia maka'as tan buat diak ne'ebé sira haree, dehan: <sup>38</sup>"Rahun diak ba ida ne'ebé mai nu'udar liurai hodi Na'i nia naran! Dame iha lalehan, gloria iha leten aas ba!"

<sup>39</sup>Husi ema lubun boot sira leet, fariseu balun dehan ba Jezús: "Mestre, haksi'ak o nia eskolante sira!" <sup>40</sup>Maibé Jezús hatán: "Ha'u dehan ba imi katak, sira ne'e nonok karik, fatuk sira mak sei hakilar!"

#### Jezús tanis tanba Jerusalem

<sup>41</sup>Hakbesik tiha hodi haree sidade, Jezús tanis tanba nia, dehan: "O hatene karik ohin loron ne'e Ida ne'ebé lori dame ba o! Maibé buat ne'e subar hela ba o nia matan." <sup>43</sup>Loron sei mai wainhira o nia funubalun sira sei hada rai hodi hale'u o husi fatin hotu; <sup>44</sup>sira sei hanehan o ba rai, no mos o nia oan sira iha o nia laran; sira sei la husik fatuk ida hamrikk iha fatuk seluk nia leten, basa o la hatene nanis loron ne'ebé o simu Na'i nia visita ne'e."

#### Jezús duni sai kontratu na'in sira husi templu

<sup>45</sup>Tuir mai, tama tiha iha templu, Nia hahu duni sai sira ne'ebé halo kontratu, hodi dehan ba sira: "Hakerek tiha ona: 'Ha'u nia uma uma orasaun nian; maibé imi halo tiha nia na'okten sira nia luhan nian!'"

<sup>47</sup>Loron loron Nia hanorin iha templu. Am'lulik sira nia ulun sira, eskriba sira no mos na'i ulun sira povu nian buka atu halakon Nia. <sup>48</sup>Maibé sira la hatene atu halo oin sa, basa povu tomak hakarak teb-tebes rona Nia.

#### Jezús nia kbiit

<sup>1</sup>Loron ida, wainhira Nia hanorin povu iha templu hodi haklaken evangeliu, am'lulik nia ulun sira, eskriba sira no katuas sira hakbesik hodi hateten ba Nia: <sup>2</sup>"Dehan to'ok mai ami ho kbiit ida ne'ebé mak o halo buat hirak ne'e, ka se mak fo kbiit ne'e ba o." <sup>3</sup>Jezús hatán ba sira: "Ha'u mos sei husu buat ida ba imi. Dehan to'ok mai Ha'u: 'João nia baptismu mai husi lalehan ka husi ema sira?'" <sup>5</sup>Sira hanoin hodi dehan ba malu: "Ita hatán karik 'Husi lalehan', Nia sei husu: 'Tansa imi la fier nia?'" <sup>6</sup>Ita hatán karik 'Husi ema sira', povu tomak sei tuda ita ho fatuk, basa sira haree João nu'udar profeta." <sup>7</sup>Tan ne'e, sira hatán katak sira la hatene husi ne'ebé. <sup>8</sup>Jezús dehan ba sira: "Ha'u mos sei la dehan ba imi ho kbiit ida ne'ebé mak Ha'u halo buat hirak ne'e."

#### Aiknanoik kona ba serbisu na'in sira iha to'os uvas nian

<sup>9</sup>Tuir mai, Nia hahu haktuir ba povu aiknanoik ida ne'e: "Ema ida kuda uvas iha to'os ida, ne'ebé nia aluga ba serbisu na'in sira. Hafoin nia ba dook hodi hela kleur." <sup>10</sup>Wainhira tempu to'o ona, nia haruka atan ida ba serbisu na'in sira atu sira ne'e fo ba nia husi to'os nia fuan. Maibé sira baku nia, hodi duni sai nia ho liman mamuk. <sup>11</sup>Liu tiha ne'e, nia haruka atan ida seluk, maibé ida ne'e mos sira baku, hanehan no duni sai ho liman mamuk. <sup>12</sup>Ba dala tolul nia haruka ida tan, ne'ebé sira hakanek hodi soe ba liur. <sup>13</sup>Ikus mai, to'os na'in dehan: "Ha'u sei halo sa los? Ha'u sei haruka ha'u nia oan doben. Haree tiha nia, sira sei respeita nia karik." <sup>14</sup>Maibé, haree tiha nia, serbisu na'in sira dehan ba malu: "Ida ne'e mak liman rohan na'in. Ita ba oho nia, atu liman rohan monu ba ita nia liman." <sup>15</sup>Nune'e, soe tiha nia ba to'os liur, sira oho nia. To'os na'in sei halo sa los ba sira? <sup>16</sup>Nia sei mai, hodi oho serbisu na'in sira ne'e, hafoin sei saran to'os ne'e ba ema seluk." Rona tiha ne'e, sira simu dehan: "Ne'e la bele!" <sup>17</sup>Maibé, hateke dau-daun ba sira, Jezús dehan ba sira: "Lia ne'ebé hakerek ne'e dehan katak sa: 'Fatuk ne'ebé badaen sira hewai, sai fali fatuk inan?'" <sup>18</sup>Sira hotu ne'ebé monu iha fatuk ne'e nia leten sei mohu hela; fatuk ne'e monu karik iha ema ruma nia leten, sei hanehan nia." <sup>19</sup>Eskriba sira no na'i ulun am'lulik sira nian haka'as an atu kaer Nia, basa sira hatene katak aiknanoik ida ne'e kona ba sira, maibé sira tauk povu.

#### Impostu ba Cesar

<sup>20</sup>Sira hafu Nia sub-subar, hodi haruka emar sira ne'ebé hakfudik nu'udar ema diak, atu kaer Nia iha liafuan ruma, atu nune'e sira bele saran Nia ba gubernador nia liman no kbiit. <sup>21</sup>Sira husu ba Nia: "Mestre, ami hatene katak Ita koalia no hanorin ho lialos, la fihir ema, maibé hatudu Maromak nia dalam tur lialos. <sup>22</sup>Ami bele selu impostu ba Cesar ka lae?" <sup>23</sup>Hatene tiha sira nia laran makerek, Nia hatán ba sira: <sup>24</sup>"Hatudu lai mai Ha'u osan denarui ida. Ilas ho hakerek ne'e, se nian?" Sira hatán: "Cesar nian." <sup>25</sup>Nia dehan fali: "Ne'e duni, fo ba Cesar buat ne'ebé Cesar nian, no ba Maromak buat ne'ebé Maromak nian." <sup>26</sup>Sira la biban atu kaer Nia iha lia sala ida iha povu nia oin; hakfodak tiha ho nia liafuan, sira nonok tiha.

#### Kona ba matebian sira nia moris hi'as

<sup>27</sup>Ema saduseu balun, ne'ebé la fier moris hi'as, hakbesik hodi husu ba Nia: <sup>28</sup>Mestre, Moises hakerek katak mane ida mate karik hodi husik nia feen maibé oan la iha, nia alin mane sei hola feto faluk ne'e atu fo oan sira ba nia maun. <sup>29</sup>Iha kedas maun alin na'in hitu. Ida uluk hola feto, hodi mate oan la iha. <sup>30</sup>Alin ne'ebé tur nia kabon fali ho feto faluk ne'e; tur mai ida seluk, nune'e mos sira na'in hitu mate hotu la husik oan ida. <sup>32</sup>Ikus liu, feto faluk mos mate. <sup>33</sup>Ne'e duni, iha loron moris hi'as nian, feto ne'e se nia feen los? Basa sira na'in hitu hola tiha nia" <sup>34</sup>Jezús dehan ba sira: "Mundu ne'e nia oan sira hola malu

nu'udar laen feen,<sup>35</sup>maibé sira ne'ebé soi ba mundu seluk no ba moris hi'as husi mate sira leet, sira ne'e la kaben,<sup>36</sup>tan sira la bele mate tan, basa sira hanesan anju sira. Nu'udar moris hi'as nia oan sira, sira Maromak nia oan.<sup>37</sup>Kona ba moris hi'as ema mate sira nian, Moises rasik mak hatudu hodi hakerek kona ba aitarak ne'ebé lakan maibé ahi la han, wainhira nia bolu Na'i 'Abraao nia Maromak, Isaac nia Maromak, no Jacob nia Maromak.<sup>38</sup>Nia la'os ema mate sira nia Maromak, maibé ema moris sira nian; basa ba Na'i, ema hotu moris hela."<sup>39</sup>Tuir mai, eskriba balun simu hodi dehan: "Mestre, Ita koalia los."<sup>40</sup>No sira la berani atu husu tan buat ida.

#### Jezús ho David

<sup>41</sup>Nia dehan ba sira: "Oin sa ema dehan katak Messias mak David nia oan?"<sup>42</sup>Basa David rasik mak dehan iha livru salmu sira nian: 'Na'i dehan ba ha'u nia Na'i: Tur iha Ha'u nia sorin kuana,<sup>43</sup>to'o Ha'u tau O nia funubalun sira iha O nia ain sira okos.'<sup>44</sup>David bolu Nia karik 'Na'i,' nusa mak nia bele sai nia oan fali?"<sup>45</sup>Wainhira povu tomak rona Nia, Jezús dehan ba nia eskolante sira:<sup>46</sup>"Imi matan moris kona ba eskriba sira ne'ebé gosta la'o ho hatais naruk atu ema kumprimenta sira iha luron, hodi buka fatin uluk iha sinagoga no iha festa sira;<sup>47</sup>ne'ebé han feto faluk sira nia sasan sira hodi hakfudik hamulak barak: sira ne'e sei hetan kastigu atu liu."

21

#### Feto faluk nia esmola

<sup>1</sup>Foti tiha matan, Nia haree ema riku sira tau esmola iha osan fatin templu nian.<sup>2</sup>Nia haree mos feto faluk kiak ida ne'ebé tau nia esmola kiik.<sup>3</sup>Nia dehan: "Tebes, Ha'u dehan ba imi katak feto faluk kiak ne'e tau osan folin liu sira seluk hotu,<sup>4</sup>basa husi buat ne'ebé resin, sira fo buat karan ba Maromak, maibé ema kiak ne'e saran buat hotu ne'ebé nia iha atu moris."

#### Jezús si'ik kona ba templu

<sup>5</sup>Tan ema balun koalia kona ba templu hodi hateten katak ema hafutar nia ho fatuk mesa furak no buat karan sira, Jezús dehan: "<sup>6</sup>Loron sei to'o wainhira buat ne'ebé imi haree dau-daun ne'e sei sobu hotu; fatuk ida sei la hela iha fatuk seluk nia leten."<sup>7</sup>Sira husu ba Nia: "Mestre, wainhira mak buat hirak ne'e mosu? Sira sei habu ho sinal ida ne'ebé?"<sup>8</sup>Nia hatán: "Haree ba, atu ema keta lohi imi; basa ema barak sei mosu mai hodi ha'u nia naran, dehan 'Mak ha'u!' eh 'Loron besik ona!' Imi keta tuir sira.<sup>9</sup>Wainhira imi rona koalia kona ba funu no revolusaun sira, keta tauk, basa buat hirak ne'e hotu sei mosu uluk, maibé ne'e la'os katak rohan to'o ona mai."<sup>10</sup>Hafoin Nia dehan ba sira: "Povu ida sei hamriik halo funu hasorou povu seluk, reinu ida hasorou reinu seluk.<sup>11</sup>Rai sei nakdoko maka'as; iha fatin oi-oin ema sei hambla, moras peste sei mosu; buat ne'ebé halo ema tauk sei mosu mai, ho sinal bo-boot sira iha lalehan.<sup>12</sup>Maibé uluk liu buat ne'e hotu, ema sei kaer imi, sei duni imi, sei lori imi ba sinagoga no hatama imi iha dadur laran. Ema sei saran imi ba liurai no emboot sira hodi Ha'u nia naran;<sup>13</sup>maibé imi sei biban atu fo sasin.<sup>14</sup>Ne'e duni, keta haluha, imi lalika hanoin resin atu hatáin oin sa;<sup>15</sup>basa Ha'u sei fo ba imi lia matenek, ne'ebé imi nia funubalun sira hotu sei la bele tahan eh koalia hasorou.<sup>16</sup>Imi nia aman inan, maun alin, parenti no belun sira mak sei saran imi. Ema sei oho imi balun.<sup>17</sup>Ema hotu sei hakrabi imi tan Ha'u nia naran.<sup>18</sup>Maibé imi nia fuuk lahan ida mos sei la monu lakon.<sup>19</sup>Imi fier metin nafatin karik, imi sei soi imi nia klamar."

<sup>20</sup>"Wainhira imi haree soldadu sira hale'u Jerusalem, imi sei hatene los katak nia besik ona atu mohu.<sup>21</sup>Iha loron ne'e sira ne'ebé iha Judeia, halai ba foho sira; sira ne'ebé iha sidade laran, sai tiha; sira ne'ebé iha to'o, keta tama fali iha sidade.<sup>22</sup>Basa ne'e mak loron kastigu nian, iha ne'ebé sei sai tuir los buat ne'ebé hakerek ona.<sup>23</sup>Rahun aat ba feto sira ne'ebé ko'us eh hasusu iha loron ne'e, basa sei iha tauk boot no hirus hasorou povu ne'e.<sup>24</sup>Sira sei monu iha surik kroat nia okos, ema sei lori sira hanesan ema dadur ba rai hotu, no gentiu sira sei sobu rahun Jerusalem to'o sira nia otas sei hotu ona."

#### Sinal sira loron ikus nian

<sup>25</sup>"Sinal sira sei mosu iha loron, iha fulan no fitun sira. Iha raiklaran, nasaun sira sei susar no tauk teb-tebes tanba tarutu husi laloran no tasi nian.<sup>26</sup>Ema sira sei mate de'it tanba tauk, hodi hanoin sa ida mak sei mosu iha raiklaran, basa lalehan nia kbiit sei nakdoko.<sup>27</sup>Iha oras ne'e, sira sei haree Oan Mane tun mai iha kalohan ida ho kbiit no gloria wa'in tebes.<sup>28</sup>Wainhira buat hirak ne'e sei mosu, imi aten berani, hodi foti matan ba leten, basa imi nia Maksuin besik ona."

#### Aiknanoik ai figueira nian

<sup>29</sup>Nia haktuir tan ba sira aiknanoik ida ne'e: "Imi haree di-diak ai figueira no ai sira seluk.<sup>30</sup>Wainhira sira hahu hatubun tahan nurak, imi hatene katak bainloron besik ona.<sup>31</sup>Nune'e mos, wainhira imi haree buat hirak ne'e mosu, imi sei hatene katak Maromak nia reinu besik ona.<sup>32</sup>Tebes Ha'u dehan ba imi: otas ne'e sei la liu, to'o buat ne'e mosu.<sup>33</sup>Lalehan no rai sei liu, maibé Ha'u nia liafan sira sei la liu."

<sup>34</sup>"Imi matan moris neon na'in ba; imi laran keta todan tan halahol aat sira, tan lanu, tan fo neon resin ba moris ne'e, atu loron ne'e keta to'o teki-teki de'it;<sup>35</sup>basa nia sei monu hanesan hani ida ba ema hotu iha raiklaran tomak.<sup>36</sup>Ne'e duni, imi matan moris hodi hamulak nafatin, atu imi bele hetan kbiit hodi hadook an husi buat hotu ne'ebé sei mosu no bele hamriik metin iha Oan Mane nia oin."

<sup>37</sup>Iha loron, Jezús hanorin iha templu, maibé iha kalan Nia hela iha foho ida naran Oliveira.<sup>38</sup>Iha dadersan povu tomak ba iha templu atu rona Nia.

22

#### Judas saran Jezús

<sup>1</sup>Loron festa Paun fermentu laek nian, naran Paskua, besik dau-daun ona.<sup>2</sup>Am'lulik nia ulun sira no eskriba sira buka dau-daun oin sa atu halakon Nia, maibé sira tauk povu.<sup>3</sup>Satanas tama tiha iha Judas, naran Iscariotes, husi sira na'in sanulu resin rua ne'e ida, nia laran.<sup>4</sup>Nia ba koalia ho am'lulik no na'i ulun sira kona ba atu saran Jezús ba sira.<sup>5</sup>Sira haksolok no sira hakotu lia atu fo osan ba nia.<sup>6</sup>Judas simu hodi buka loron atu saran Jezús wainhira ema sira la hatene.

#### Hadia Paskua

<sup>7</sup>To'o tiha loron Paun fermentu laek nian, wainhira sira oho bibi oan Paskua nian.<sup>8</sup>Jezús haruka Pedro ho João, dehan: "Imi ba hadia Paskua ba ita atu han."<sup>9</sup>Sira husu ba Nia: "Ita hakarak ami hadia iha ne'ebé?"<sup>10</sup>Nia hatán: "Tama tiha iha sidade, ema ida ne'ebé lori kusi be nian sei mai hasorou imi. Imi tuir nia to'o uma ne'ebé nia tama,<sup>11</sup>hodi dehan ba uma na'in: 'Mestre husu, fatin ne'ebé Nia sei han Paskua ho nia eskolante sira mak iha ne'ebé?'<sup>12</sup>Nia sei hatudu ba imi han fatin boot iha andar leten. Imi sei hadia iha ne'ebé."<sup>13</sup>Sira ba, hodi hetan buat hotu nu'udar Nia dehan ba sira; hafoin sira hadia Paskua.

#### Jezús nia han-hemu dala ikus

<sup>14</sup>Wainhira oras to'o ona, Nia tur atu han hamutuk ho apostolu na'in sanulu resin rua.<sup>15</sup>Nia dehan ba sira: "Hodi kbiit, Ha'u hakarak teb-tebes han Paskua ne'e ho imi molok Ha'u terus.<sup>16</sup>Basa Ha'u dehan ba imi katak Ha'u sei la han tan nia to'o nia sei sai los iha Maromak nia reinu."<sup>17</sup>Kaer tiha kalis, Jezús fo agradese, dehan: "Imi simu ba, hodi fahe ba malu;<sup>18</sup>basa Ha'u sei la hemu tan tua uvas fuan nian to'o Maromak nia reinu to'o mai."

<sup>19</sup>Hafoin, hola tiha paun hodi fo obrigadu, Nia silu hodi fahe, dehan: "Ne'e Ha'u nia isin, ne'ebé sei saran tanba imi; halo ida ne'e hodi hanoin Ha'u."<sup>20</sup>Han hottu tiha, Nia halo nune'e mos ho kalis, dehan: "Ne'e kalis moruk foun nian iha Ha'u nia ran, ne'ebé sei nakfakar tanba imi.<sup>21</sup>Maibé ema ne'ebé atu saran Ha'u ba mate, nia liman besik Ha'u nian iha meja.<sup>22</sup>Basa Oan Mane atu ba ona duni, tuir buat ne'ebé hakotu tiha ona; maibé susar ba ema ne'ebé saran Nia!"<sup>23</sup>No sira hahu husu ba malu sira ida ne'ebé mak sei halo buat ne'e.

## Se mak boot liu

<sup>24</sup>Tuir mai, sira hahu haksesuk malu kona ba sira ida ne'ebé mak boot liu hotu. <sup>25</sup>Jezús dehan ba sira: "Liurai nasaun sira nian ukun ho kroat, no ema hanaran sira ne'ebé ukun sira 'tulun na'in.' <sup>26</sup>Imi fali keta halo nune'e; maibé ida ne'ebé boot liu iha imi leet, nia sei halo an nu'udar kiik liu; ida ne'ebé ukun sei halo an nu'udar atan. <sup>27</sup>Basa, ida ne'ebé mak boot liu: ida ne'ebé tur han iha meja, ka ida ne'ebé serbi? La'os ida ne'ebé tur han? Ha'u iha imi leet nu'udar ida ne'ebé serbi. <sup>28</sup>Imi hela tiha hamutuk ho Ha'u iha Ha'u nia susar oi-oin, <sup>29</sup>nó Ha'u saran ba imi reinu ne'ebé Ha'u Aman saran mai Ha'u, <sup>30</sup>atu imi bele han hemu hamutuk ho Ha'u iha Ha'u nia reinu, hodi tur iha kadunan sira atu tesi lia ba Israel nia uma-kain sanulu resin rua."

## Pedro sei heli lia kona ba Jezús

<sup>31</sup>"Simão, Simão, haree ba, Satanas husu ona kbiit atu doko imi hodi tais hanesan trigu. <sup>32</sup>Maibé Ha'u harohan ona ba o, atu o nia fiar keta monu; hafoin wainhira o fila fali ba diak, o sei fo aten berani ba o nia maun alin sira." <sup>33</sup>Nia hatán: "Na'i, ha'u sei ba hamutuk ho Ita to'o dadur no mos to'o mate!"

<sup>34</sup>Jezús dehan ba nia: "Ha'u dehan ba o, Pedro: ohin, molok manu kokorek, o sei heli lia dala tolu katak o la hatene Ha'u."

<sup>35</sup>Nia dehan tan: "Wainhira Ha'u haruka imi atu ba, hodi la bele lori kohe, osan no sandalias, imi kuran buat ruma?" <sup>36</sup>Sira hatán: "Lae." Nia dehan ba sira: "Maibé, oras ne'e ema ne'ebé la iha kohe, hola ida ba, nune'e mos nia karon; no ida ne'ebé la iha surik, faan tiha nia unuk, hodi sosa netik surik ida.

<sup>37</sup>Basa Ha'u dehan ba imi katak sei sai tuij lo-los iha Ha'u buat ne'ebé hakerek nanis ona: "Sira tau Ha'u iha ema at sira leet." Tebes, buat ne'ebé kona Ha'u besik ona nia rohan." <sup>38</sup>Sira dehan ba Nia: "Na'i, iha ne'e iha surik rua." Maibé Nia hatán ba sira: "To'o ona."

## Honorin iha foho Oliveira

<sup>39</sup>Sai tiha husi uma, Jezús, hanesan bai-bain, la'o ba foho Oliveira; nia eskolante sira mos tuij Nia. <sup>40</sup>To'o tiha ne'ebá, Nia dehan ba sira: "Imi harohan ba, atu imi keta monu ba babeur."

<sup>41</sup>Hafoin Nia hadook an husi sira, dook hanesan wainhira ema tuda fatuk. Nia hakneak hodi hahu hamulak nune'e:

<sup>42</sup>"Aman, Ita hakarak karik hadook tiha kalis ne'e husi Ha'u; maibé halo tuij Ita nia hakarak ba, la'os Ha'u nian." <sup>43</sup>Iha oras ne'e, anju ida mosu husi lalehan hodi haksolok netik Nia. <sup>44</sup>Ho laran susar teb-tebes, Nia hamulak ho neon ho laran liu tan. Nia kosarben sai hanesan ran ne'ebí suli ba rai.

<sup>45</sup>Harohan hotu tiha, Nia hamriik hodi ba buka nia eskolante sira; ho neon sala, Nia hetan sira toba hela. <sup>46</sup>Nia dehan ba sira: "Tansa imi toba? Hamriik ba hodi harohan, atu imi keta monu ba babeur."

## Sira kaer Jezús

<sup>47</sup>Nia sei koalia hela, ema lubun boot ida mosu mai. Ida ne'ebé naran Judas, sira na'in sanulu resin rua ne'e ida, mai iha oin. Nia hakbesik hodi rei Jezús. <sup>48</sup>Jezús dehan ba Nia: "Judas, hodi rei Ha'u mak o saran Oan Mane ba mate?" <sup>49</sup>Haree tiha buat ne'ebé atu mosu dau-dau, sira ne'ebé hale'u Jezús husu ba Nia: "Na'i, ami bele hakanek ho surik, ka lae?" <sup>50</sup>Sira ida hakanek tiha am'lulik boot nia atan ida, ho tesi nia tilun kuana. <sup>51</sup>Maibé Jezús dehan: "To'o ona!" Hafoin, kona tiha atan ne'e nia tilun, Jezús halo nia kanek sai diak fali. <sup>52</sup>Tuir mai, Nia dehan ba sira ne'ebé mai hasoru Nia, ba am'lulik sira nia na'i ulun sira, na'i ulun sira templu nian no katusas sira: "Imi mai ho surik no ai-tonka sira hanesan hasoru na'okten ida?" <sup>53</sup>Loron loron Ha'u hela ho imi iha templu, imi la halo buat ida mai Ha'u; maibé ne'e imi nia loron, ne'e nakukun nia ukun."

## Pedro heli lia kona ba Jezús

<sup>54</sup>Kaer tiha Jezús, sira lori Nia ba am'lulik boot nia uma. Pedro la'o tuij husi dook. <sup>55</sup>Sira sunu ahi ida iha uma oin, hodi tur hadulas; Pedro mos iha sira leet.

<sup>56</sup>Haree tiha nia haneruk ahi, atan feto ida fihir nia, hodi dehan: "Ema ne'e mos hela ho Jezús." <sup>57</sup>Maibé Pedro heli lia, dehan: "Feto, ha'u la hatene Nia!" <sup>58</sup>La kleur ida seluk, haree tiha nia, dehan: "O mos Nia maluk ida!" Maibé Pedro hatán: "Ha'u lae!" <sup>59</sup>Liu tiha besik oras ida, ida seluk litik: "Tebes, ida ne'e mos hela ho Nia, tan nia mos ema Galileu." <sup>60</sup>Pedro simu dehan: "Ha'u la hatene buat ne'ebé o dehan!" Iha oras ne'e kedas, wainhira nia sei koalia hela, manu kokorek. <sup>61</sup>Fila tiha oin, Na'i hateke ba Pedro. Pedro hanoin fali Na'i nia liafuan uluk, ne'ebé dehan: "Molok manu kokorek, o sei heli lia dala tolu kona ba Ha'u." <sup>62</sup>Sai tiha ba liur, Pedro tanis ho neon sala teb-tebes.

## Judeu sira tesi lia

<sup>63</sup>Ema sira ne'ebé kaer Jezús hahu hamoe no haterus Nia. <sup>64</sup>Sira taka Nia futar oin, hodi husu ba Nia: "O si'ik to'ok: se mak baku o?" <sup>65</sup>Sira foti lia atat barak hasoru Nia.

<sup>66</sup>Molok rai-hun mutin, katusas sira povu nian, am'lulik no eskriba sira nia ulun sira halibur an hamutuk. Sira lori Jezús atu tesi lia hasoru Nia. <sup>67</sup>Sira dehan: "O Messias karik, hateten mai ami ba." Nia dehan ba sira: "Ha'u hateten karik, imi sei la fier Ha'u;" <sup>68</sup>Ha'u husu imi karik, imi sei la hatán. <sup>69</sup>Maibé houri ohin ba oin Oan Mane sei tur iha Maromak nia futar sorin." <sup>70</sup>Sira hotu dehan: "Ne'e duni, O Maromak Oan, ka?" Nia hatán: "Imi dehan los, Ha'u duni."

<sup>71</sup>Sira dehan: "Ita hakarak sasin sa ida tan? Ita nia tilun rasik mak rona husi nia ibun!"

## Jezús iha Pilatos nia oin

<sup>1</sup>Sira hotu hamriik, hodi lori Nia ba Pilatos. <sup>2</sup>Sira hahu duu Nia, dehan: "Ami hetan ema ne'e soran ami nia povu, bandu ema atu selu impostu ba Cesar, hodi dehan katak nia mak Messias liurai." <sup>3</sup>Pilatos husu, "O Judeu sira nia liurai?" Nia hatán, "O dehan los." <sup>4</sup>Pilatos dehan fali ba am'lulik sira nia ulun sira no ba ema lubun boot: "Ha'u la hetan sala ida iha ema ne'e." <sup>5</sup>Maibé sira litik, dehan: "Nia soran povu hodi honorin iha rai Judeia tomak, hahu husi Galileia to' iha ne'e."

<sup>6</sup>Rona tiha ne'e, Pilatos husu Nia husi Galileia, ka lae. <sup>7</sup>No hatene tiha katak Nia Herodes nia emar, Pilatos haruka Nia ba Herodes, ne'ebé mai mos iha Jerusalem iha loron hirak ne'ebá.

## Jezús iha Herodes nia oin

<sup>8</sup>Wainhira Herodes haree Jezús, nia haksolok teb-tebes; kleur ona mak nia hakarak haree Jezús, tan buat barak ne'ebé nia rona, hodi hein Jezús sei halo milagre ruma iha nia oin. <sup>9</sup>Nia husu buat oi-oin ba Jezús, maibé Jezús la hatán buat ida. <sup>10</sup>Am'lulik sira nia ulun sira no mos eskriba sira iha ne'ebá litik hodi foti lia hasoru Jezús. <sup>11</sup>Herodes ho nia soldadu sira hasara Nia, fo hatais unuk mean ida ba Nia hodi hamnasa, hafoin haruka Nia fila fali ba Pilatos. <sup>12</sup>Iha loron ne'ebá Herodes ho Pilatos badame fali malu, tan uluk sira haree malu la diak.

## Jezús fila fali ba Pilatos

<sup>13</sup>Pilatos halibur am'lulik sira nia ulun sira, na'i ulun sira ho tan povu, hodi dehan ba sira: <sup>14</sup>"Imi lori ema ne'e mai ha'u tan Nia soran povu. Ha'u husu Nia iha imi nia oin, maibé iha Nia ha'u la hetan sala ida husi buat hirak ne'ebé imi duo Nia." <sup>15</sup>Herodes mos la hetan buat ida; tan ne'e, nia haruka fali mai ha'u. Ema ne'e la halo buat ida atu ita saran nia ba mate. <sup>16</sup>"Ne'e duni, ha'u sei kastigu Nia hodi husik Nia ba."

<sup>17</sup>Nia ten ke husik ema ida ba sira iha loron festa. <sup>18</sup>Maibé sira hotu hakilar, dehan: "Oho tiha nia! Hassai mak Barrabas!" <sup>19</sup>Barrabas ne'e ema iha dadur laran tan halo funu hasoru estadu iha sidade no oho ema. <sup>20</sup>Dala ida tan Pilatos koalia ba sira, hodi buka soi Jezús. <sup>21</sup>Maibé sira hakilar nafatin: "Hedi Nia ba krus? Hedi Nia ba krus?" <sup>22</sup>Ba dala tolu nia dehan ba sira: "Nia halo aat sa? Ha'u la hetan sala ida atu oho Nia. Ne'e duni, ha'u sei kastigu Nia, hafoin husik Nia ba." <sup>23</sup>Maibé sira litik, hodi husu ho lia maka'as atu hedi Nia ba krus. Sira nia lia maka'as liu tan ba dau-dau. <sup>24</sup>"Ne'e duni, Pilatos haraik buat ne'ebé sira husu;" <sup>25</sup>nia hasai ema ne'ebé dadur tan soran povu no oho ema, no saran Jezús ba sira tuij sira nia hakarak.

## Dalan ba foho Kalvariu

<sup>26</sup>Wainhira sira lori Nia, sira kaer ema ida husi Sirene naran Simão, ne'ebé fila dau-daun husi to'os, hodi tau krus iha nia kbaas atu lori tuir Jezús. <sup>27</sup>Ema lubun boot tuir Nia, no mos feto sira ne'ebé tanis hodi hanoin tebes Nia. <sup>28</sup>Maibé Jezús fila oin ba sira, dehan: "Jerusalem nia oan feto sira, imi keta tanis tanba Ha'u; diak liu tanis tan imi an rasik no tan imi nia oan sira. <sup>29</sup>Basa loron sei to'o mai wainhira ema sei dehan: 'Rahun diak ba feto sira ne'ebé oan la iha, knotak sira ne'ebé la ko'us, hirus matan sira ne'ebé la fo susuben.' <sup>30</sup>Iha loron ne'ebá sira sei dehan ba foho aas sira: 'Imi monu mai ami leten!' no ba foho kiik sira: 'Imi taka tiha ami!' <sup>31</sup>Basa sira halo ona nune'e karik ba ai-hun matak, ba ai-hun maran sira sei halo sa ida?"

## Ema hedi Jezús ba krus

<sup>32</sup>Sira lori mos ema aat na'in rua atu oho hamutuk ho Nia. <sup>33</sup>Wainhira sira to'o fatin naran Kalvariu, sira hedi Nia ba krus ho ema aat sira ne'e, ida iha sorin kuana, ida seluk iha sorin karuk. <sup>34</sup>Jezús dehan: "Aman, perdua sira, basa sira la hatene buat ne'ebé sira halo." Tuir mai sira dada sorte atu fahe ba malu Jezús nia unuk sira. <sup>35</sup>Ema sira hamriik hodi hateke hela. Na'i ulun sira hamoe Nia, dehan: "Nia ne'ebé soi ema seluk, soi to'ok nia an; ema ne'e Maromak nia Messias karik." <sup>36</sup>Soldadu sira mos hamoe Nia, hodi hakbesik atu fo ba Nia tua sin, <sup>37</sup>dehan: "O Judeu sira nia liurai karik, soi o nia an ba!" <sup>38</sup>Iha nia ulun leten ema hakerek ho lia gregu, latin no ebreu: "Ne'e mak Judeu sira nia liurai."

<sup>39</sup>Ema aat sira ida, ne'ebé tara hela, koalia aat Nia, dehan: "O mak Messias karik, soi o an rasik, no mos ami!" <sup>40</sup>Maibé ida seluk haksi'ak nia, dehan: "O mos hetan terus ne'e, o la tauk Maromak? <sup>41</sup>Tuir duni justisa mak ita hetan kastigu, tan ita nia hahalok aat; maibé ema ne'e la halo aat ida." <sup>42</sup>Hafoin nia dehan ba Jezús: "Na'i, hanoin ha'u wainhira Ita to'o Ita nia reinu." <sup>43</sup>Jezús hatán ba nia: "Tebes, Ha'u dehan ba o: ohin kedas o sei hamutuk ho Ha'u iha lalehan."

## Jezús nia mate

<sup>44</sup>Besik ona loron fahe rua, nakukun taka rai tomak to'o tuku tolu loraik, tan loro matan lakon tiha. <sup>45</sup>Hena templu nian nakles fahe rua iha klaran, <sup>46</sup>no Jezús hakilar ho lia maka'as: "Aman, iha Ita liman Ha'u saran Ha'u nia klamar!" Dehan tiha ne'e, Nia iis kotu.

<sup>47</sup>Haree tiha buat ne'ebé mosu, senturiaun hahi Maromak, dehan: "Tebes, ema ne'e, ema diak dunil!"

<sup>48</sup>Ema lubun boot ne'ebé mai haree buat ne'e, haree hotu tiha, sira fila fali hodi tuku hirus matan. <sup>49</sup>Jezús nia belun sira, no mos feto sira ne'ebé tuir Nia husi Galileia, hamriik hodi haree husi dook.

## Ema hakoi Jezús

<sup>50</sup>Iha na'i ulun ida, naran Jose, ema laran diak ida husi rai Arimateia, sidade ida iha Judeia. <sup>51</sup>Nia membru ida konseliu nian, nia la tuir nia maluk sira nia hakarak no hahalok sira, maibé hein dau-daun Maromak nia reinu. <sup>52</sup>Nia ba koalia ho Pilatos, hodi husu Jezús nia isin mate. <sup>53</sup>Hatun tiha husi krus, nia falun tiha Nia ho hena mutin, hodi tau Nia iha rate foun ida, iha ne'ebé seidauk hakoi ema ida. <sup>54</sup>Ne'e loron atu hadia sasan, no loron Sabadu atu hahu ona. <sup>55</sup>Feto sira ne'ebé tuir Nia husi Galileia ba hamutuk ho Jose. <sup>56</sup>Wainhira sira fila fali ona, sira hadia mina morin. Iha Sabadu sira la kaer serbisu tuir lisan.

## Jezús moris hi'as

<sup>1</sup>Iha loron uluk semana nian, iha rai hun mutin, sira ba to'o rate, hodi lori mina morin ne'ebé sira hadia. <sup>2</sup>Sira hetan fatuk duir tiha ona. <sup>3</sup>Tama tiha iha laran, sira la hetan Na'i Jezús nia isin. <sup>4</sup>Sira sei hanoin hela, wainhira ema na'in rua ho unuk nabilan mosu iha sira leet. <sup>5</sup>Tan feto sira tauk, hodi hakru'uk ba rai, ema sira ne'e dehan ba sira: "Tansa imi buka ema moris iha mate sira leet? <sup>6</sup>Nia la iha ne'e; Nia moris hi'as ona! Imi hanoin fali oin sa Nia koalia ba imi, wainhira Nia sei iha Galileia, dehan: <sup>7</sup>Ema sei saran Oan Mane ba maksalak sira liman, ne'ebé sei hedi Nia ba krus; liu loron tolu, Nia sei moris hi'as." <sup>8</sup>No sira hanoin fali Jezús nia liafuan sira.

<sup>9</sup>Fila tiha husi rate, sira ba haktuir buat hirak ne'e hotu ba sira na'in sanulu resin ida no ba sira seluk hotu. <sup>10</sup>Feto sira ne'ebé haktuir ba apostolu sira buat hirak ne'e mak Maria Madalena, Joana ho Maria, Tiago nia inan, no mos sira seluk ne'ebé la'o hamutuk ho sira. <sup>11</sup>Maibé sira rona lia hirak ne'e nu'udar lia buluk, tan ne'e sira la fier. <sup>12</sup>Maibé Pedro hamriik hodi ba lalais rate. Hakru'uk tiha, nia haree de'it hena sira. Nia fila fali ba uma, hodi hakfodak ho buat ne'ebé mosu tiha.

## Dalan Emaus nian

<sup>13</sup>Iha loron ne'ebé eskolante na'in rua la'o ba knua ida naran Emaus, besik kilometru ualu husi Jerusalem. <sup>14</sup>Sira koalia ba malu kona ba buat ne'ebé mosu ona. <sup>15</sup>Sira sei koalia hodi haksesuk malu dau-daun, Jezús rasik hakbesuk hodi la'o hamutuk ho sira. <sup>16</sup>Maibé sira nia matan la dauk nakloke atu hatene Nia. <sup>17</sup>Nia dehan ba sira: "Imi koalia ba malu kona ba sa ida tuir dalam?" Sira para tiha ho oin kraik. <sup>18</sup>Sira ida naran Cleofas simu, hodi dehan: "Ita mesak ema husi rai seluk iha Jerusalem mak la hatene buat ne'ebé mosu iha ne'ebé iha loron hirak ne'e?" <sup>19</sup>Nia husu ba sira: "Sa ida?" Sira hatán: "Kona ba Jezús Nazare, profeta ida beran boor iha lia no hahalok, iha Maromak no povu tomak nia oin: <sup>20</sup>oin sa ita nia am'lulik no na'i ulun sira saran Nia ba mate hodi hedi Nia ba krus. <sup>21</sup>Ami hanoin katak Nia mak atu soi Israel, maibé liu ona loron tolu mak buat hirak ne'e mosu. <sup>22</sup>Los duni, ami nia feto balun halo ami hakfodak, basa dadersan hela, sira ba rate; <sup>23</sup>hafoin, la hetan Nia isin, sira mai haktuir katak sira haree anju sira ne'ebé dehan katak Nia moris hi'as ona. <sup>24</sup>Ami nia maluk balun mos ba to'o rate, hodi hetan buat hotu hanesan feto sira haktuir; maibé sira la haree Nia."

<sup>25</sup>Nia dehan ba sira: "Imi ema beik duni, no neon badak atu fiar buat hotu ne'ebé profeta sira hateten! <sup>26</sup>Mesias sei terus buat hirak ne'e atu nune'e Nia bele tama iha Nia gloria?" <sup>27</sup>Hafoin, hahu ho Moises no profeta sira hotu, Nia hanorin ba sira buat hotu ne'ebé hakerek iha Eskritura tomak kona ba Nia. <sup>28</sup>Besik ona knua ne'ebé sira atu ba, Nia hakfudik atu la'o ba oin. <sup>29</sup>Maibé sira husu maka'as ba Nia, dehan: "Hela ho ami, basa kalan besik ona, loron mos monu dau-daun ona." Nia tama ho sira. <sup>30</sup>Hafoin, tur tiha atu han ho sira, Nia kaer paun, fo bensa, silu hodi fahe ba sira. <sup>31</sup>Sira nia matan nakloke, hodi hatene Jezús; maibé Nia lakon kedad husi sira oin. <sup>32</sup>Sira dehan ba malu: "Ita nia laran la manas wainhira Nia koalia tuir dalam hodi hanorin Eskritura?"

<sup>33</sup>Sira hamriik kedad, hodi fila fali ba Jerusalem. Iha ne'ebá sira hetan sira na'in sanulu resin ida halibur hamutuk ho maluk sira seluk, <sup>34</sup>ne'ebé dehan ba sira: "Tebes, Na'i moris hi'as ona, hodi mosu ba Simão!" <sup>35</sup>Tuir mai, sira haktuir buat ne'ebé mosu iha dalam, oin sa sira hatene Jezús wainhira Nia silu paun.

## Jezús mosu ba eskolante sira

<sup>36</sup>Sira sei koalia hela, Jezús hamriik iha sira leet, hodi dehan ba sira: "Dame hela ho imi!" <sup>37</sup>Sira hakfodak no tauk, hodi hanoin katak sira haree mate klamar ida. <sup>38</sup>Nia husu ba sira: "Tansa imi fuan taridu hodi husu buat barak iha imi laran?" <sup>39</sup>Haree ha'u nia liman no ain ba: Ha'u mak ne'e duni! Imi kaer Ha'u ba, hodi haree katak mate klamar ida isin ho ruin la iha, nu'udar imi haree Ha'u iha." <sup>40</sup>Dehan tiha ne'e, Nia hatudu ba sira nia liman no ain. <sup>41</sup>Maibé sira la fier, hodi hakfodak ho ksolok boot. Nia dehan: "Imi iha buat ruma atu han?" <sup>42</sup>Sira fo ba Nia ikan tunu baluk ida. <sup>43</sup>Nia simu, hodi han iha sira oin. <sup>44</sup>Hafoin Nia dehan ba sira: "Wainhira Ha'u sei iha imi leet, Ha'u dehan ba imi liafuan hirak ne'e: katak sei sai tuir los lia hotu ne'ebé Moises, profeta no salmu sira hakerek kona ba Ha'u iha Eskritura." <sup>45</sup>Tuir mai, Nia loke sira neon atu hatene lo-los Eskritura, <sup>46</sup>hodi dehan ba sira: "Hakerek tiha ona, nune'e mak Messias sei hetan terus no, liu loron tolu, sei moris hi'as." <sup>47</sup>Hodi nia naran sei haklaken ba nasauan hot-hotu laran moras no perdua ba sala sira, hahu husi Jerusalem. <sup>48</sup>Imi mak sasin kona ba buat hirak ne'e. <sup>49</sup>Ha'u sei haruka ba imi Ida ne'ebé ha'u Aman hakotu tiha ona; imi hela lai iha sidade, to'o imi simu tiha kbiit husi leten."

Jezús sa'e ba lalehan

<sup>50</sup>Hafoin Jezús lori sira to'o besik Betania. Iha ne'ebá, Nia foti liman, hodi haraik bensa ba sira. <sup>51</sup>Wainhira Nia sei fo bensa dau-daun, Nia hadook an husi sira, hodi sa'e ba lalehan. <sup>52</sup>Sira hakneak iha nia oin, hafoin sira fila ho ksolok boot ba Jerusalem. <sup>53</sup>Loron loron sira halibur iha templu, hodi hahi hanai Maromak.